

罗湘冯氏族谱叙

夫国之所以载籍者史邑之所以纪求有志者志而家之有谱固犹是国有史邑有志诚煌也乎！巨典也水源木本非谱而曷以追寻代远年湮非谱而莫能综计且宗功祖德非谱无而所徵求谱之际关系大矣溯我祖源出姬姓文王之嗣毕公高支子食采于郡子孙去国遂受姓为冯山是而汉而隋而唐而宋而元明人文炳蔚或以仕宦名世或以经纶名世或以品行才智名世手不胜书我祖大潮公官佐击顺治八年自祖门粟嘴头迁居习礼街凤山冲公生齿甚繁而某枝某叶俱陈迹可观前代贤哲纠集族党康熙乾隆手书成帙即支分派别有井有条亦未及登诸梨枣越道光辛巳始登梨枣咸丰己未四修迄今垂三十余年幸我于莲塘蕉堂萼亭先生复以续修议兼我支父老屡以修谱属举举固辞之非不知葛藟犹庇其举何自委摩念举学陋才疏谱更任重责大以学陋才疏之人而当选任重责大之事其何以称适今春莲塘诸先生纠集诸房倡修族谱举虽劣亦不忍以旋举旋废貽数典忘祖之际讥用是寻本溯源几经斟酌编辑草稿敬奉支祠以便付梓虽不无以讹传之事但亲者不失其为亲耳是为叙

时维

罗湘冯氏八修族谱【谱序】

罗湘冯氏八修族谱〔谱序〕

光绪十有六年庚寅岁孟冬谷旦

大潮支下裔孙振庭家举敬撰

冯氏源流序

盖闻木有本水有源本培则枝萼源远则流长可知人生于世派衍支分无异于是以故上溯德祖始自姬周公毕公高至毕万封魏食采冯城后嗣因以为氏迨春秋郑有简子递战国齐有驪有长有亭年湮代远无以稽考逾秦至两汉之间有曰唐曰羨曰异曰坚与杨以及曰勤曰琦曰奉世曰敬道曰君卿圣卿与仲文及皆彬乚儒雅弟举其略尔吁独至六朝中衰而后兴也意其间战争日炽虽有其焉益阙如也由随及三唐盛之京之伉与石晚之元叔等世繁甚繁本乚源乚绳乚传及晚两宋南之曰元曰平曰京与拯与椅之俦北之曰时茂曰开之曰行已允中及大亮之辈咸食旧德谱必曾修虽有其谱残篇断简亦难足徵殊料自五季以至元明治日苦少乱日苦多黄巢阿牙扰于前李闯张献侵于后厯遯家乘尽付丙丁即明有曰恩曰坚曰国用曰国胜诸贤虽称孝子慈孙一时不能纂辑也迄我圣朝孝治周于编户文教敷于海隅闾族于康熙年间因怀編集搜剔上下数千余年欧苏二式未登梨枣概费手书以成世系际道光辛巳公姓大商经始群先公留心开创殫厥心神补往哲之缺憾开来学之章程参详考订谱告成功其顺矣乎孝之至也自一修以至咸丰己未屈指已经三十余载

其譜不得不再修不容不速修德不揣固陋苦心志历艰辛互相公族以董事为间编年纪月生居浸葬率由旧章校对无讹井然在曰茲当年届庚寅一弹指又越三十余年矣额期已过续公族一德一心三修家乘姑计谱册二十有劄将成支派各给用思本本水源条分缕晰三支下前后相符否深望有志斯事者莫行也可是为叙时

大清光绪十六年庚寅岁孟冬吉旦

两虎岩裔孙序德祝轩氏敬撰

两修族谱合叙

盖著作莫传后世姓字仅显于当时此固生民大患数不足多寡亦知鸛音聒耳鸿爪留题弗从理脈审精神第从皮肤求妙谛待至品评壹经名实俱失何如无字为可冯不言犹足法始欢穷年砭匕终归木槿蜉蝣又何怪朱陸异塗苏程躡等而有亡本务末之消与夫然则凡人之壹言一行不可不严谨而敏慎若于咸丰己未年贊助潜牒属尊祖敬宗联族夫着一辞褚墨非宝朱玉行年虽富学习什荒不乞今追忆亡聊犹恨昔所未信者未卜家乘復修大商再举余不德捡读遗编阅系家规书生纪没繇祖达孙其间伯仲叔季保残守阙句栴字梳彰明较着煞费匠心中无轆轤渗漏亥豕鲁鱼因悼当年共事几若曙星但存傑作一老不朽有于族谱何不禁大

罗湘冯氏八修族谱〔谱序〕

罗湘冯氏八修族谱〔谱序〕

声疾呼！曰善为我辞焉！非譬道子写真！一经他手輒失其神！似如复我者！则吾岂敢一以贯之！是不能也！非不为也！于是黯然魂消！目击心骇！妻曰不可！应曰君子偕老子！曰无庸！对曰有子不死！公族曰何居！答曰脩其天爵！孔子曰！愚自贱！自专居不疑！参复斯言！其为谁而道耶！可托我而论也！况今年盈七十！有可心血衰！学力退！据事直书！手慚大笔！援引成文！胸亡卷轴！理合别样！新裁恐见骆驼！疑与肿背！只得嫩志！是将互相权变！以董事不正！井仁瓜祭之讹！以完前裕后之责！斯时也不知老之将至！始服妻子公族！所谓者！诚为先觉！而非逆意也！后之知我罪我者！勿泥前事后师！而以知白守黑！视我也！噫！日月逝矣！孰知昨是！今非于戏！耄矣！望我者待之！两修谱也！一在不感！一在从心！我可最修跋稿！篇端将见！上可深！圣天子孝治之懿行！即此后可远结长缘于不了云！

光绪十六年庚寅岁孟冬谷旦

两虎岩裔孙祝轩敬撰

续修谱序

谱以序昭穆而支派远而三垣九曜旋维归而犹君之尊而无敢不共焉！俯察地理！昆仑为华夏之镇！而五岳八表！回环顾如祖之亲！而无敢不本焉！此君亲一礼忠孝一道无之戒！莫大于不忠！五刑之属！莫大于不孝！为人臣所当委身尽瘁！为人后所当慎终追远！不可一毫或忽也！今阅我族谱牒！上溯姓源之始！下逮继世之宗！明昭穆

以尚礼也序长幼以尚齿也噫世之去祖未远问所自而怫然者甚愧多矣从九族以至合族本七源七补其遗正迨康熙及乾隆年间探本寻源有序值道光辛巳前哲诸公续修以至咸丰己未将近三十余年若不增修恐世远年延而无稽也于光绪十五年己丑四房诸公纠聚共商酌议遵前人之定襄继修之美举及庚寅春我族诸公劳其心力惜搜赞费美不才何能副厥任要以吾族之谱有不容不敏自谢者也乐得而附驥焉偏数月谱牒告成系井然了如指掌犹惧差缪再三核对始付镌编成二十三册我大房二房星罗棋布各派加谱三册三四两房各领四册余册公祠轮祭经管但余本先人之遗稿聊为参互考订至于前人之志也起者是为序

光緒十六年庚寅岁孟冬谷旦

裔孙法成美文氏号籽卿敬撰

三修族谱小序

且夫谱也者谱言一族之事无一而不该者也岂有挂一漏万顾此夫彼者乎夫必学有士贤有人书有成史有全合此四者然后谱方得修书成史全而谱有不修修有不谱者则必其族无学士贤人也若乃族有学士贤人胸具成书全史仔肩是佛贵修不辞一推敲祖宗虽远愈远愈新一穿扞子姓甚繁弥繁弥简无异常山蛇云又能何虑年代远人往风微而有抱残失考守阙存疑致慨祖泽七宗风扰七也哉盖生祖竹书纪年没宗四书释

罗湘冯氏八修族谱〔谱序〕

罗湘冯氏八修族谱〔谱序〕

地甚至五代一提世系井然伦序秩可杜去顺效逆之變而且业儒纪士振斯文于既没明大雅以流行伴身讚
贤发潛德之幽光显芳规而洋溢虽然是非族有学士贤人胸具成书全史深怀尊祖敬宗大义共完守先待后
仪刑则族之潜也修亦不能决于万一安望其并修而继述而不替耶然而璋族则不然以我溪甫公去豫章踰
罗国家于兴砦下居焉额号两虎岩嗣后孙诞四仲也叔也季也离宗祖卜安全摧妻击子择美处仁三分鼎立
即今所谓栗嘴头架城以暨黄架桥者是也噫人居两地天各一方孙支虽云其盛矣家乘则曰盖阙加也非我
祖之曰青钱者才储万选学足三余心有成竹念切同根假季子之游谈操史公之特笔何能于星罗其置瓦裂
瓜分下合纵以连横编户而缮本合谱一经始于道光辛巳年哉使谱再落成于咸丰己未岁哉然则此即所谓
书成史全一族之学士贤人也不谓岁月如流人生若梦自续修以至于兹屈指已三十有羨矣既生而已修者
不知凡几有子而有孙未修而后生者又不知若干修今而倏古敬不接踵步程以董其事则生居年月日時歿
葬坟墓塋保无守阙存疑抱残失考吁青钱之生气犹存继体之先公何在詎不有忝所生貽讥身后况宗族不
乏学士贤人也独不有一书成而史全者乎于是闾族商举设局编修继修不外并修修饰维艰前后务同体总
管必书经管管鑰非易得失恒徵一人夫然从多舞文弄墨之徒何从摘华挾添盗虚声而互相贈答即无蔑祖
亢宗之罪奚至职司失守假大故而巧好弥缝是为叙

大清光緒十六年庚寅歲孟冬月谷旦

裔孫太學生序璋韞生氏撰

三修族譜源流序

譜牒之修古未有也自宋歐陽文忠與眉山老泉創立譜式而天下後世翕然宗之于是家各有譜舉凡得姓受氏宗派源流迁徙遠近生歿葬所嫁娶諸事无一不書祖宗遠子姓雖繁若處一堂焉幫家乘與國史并重我宗系出文王姬畢公高支子食采于馮子孫去邑為馮氏延至春秋鄭馮簡子能斷大事由秦漢唐宋元明以迄于今代有傳人史書可考蓋人稱一望族也先祖溪甫公由豫江遷湘陰之東鄉卜居於于興砦下額號兩虎岩厥後孫誕四而仲叔季三公則又各遷一地即今所謂粟嘴頭架城黃甲橋者是也先年未修家乘不獨世代茫然莫明終始即兩地未能合一孰知子孫之身其先為祖宗一人之身一本散為萬殊萬殊仍歸于一本乎族青錢公慨然有志本敬宗收族之心念本匕水源之義倡議修譜道光辛巳告厥成功使星羅棋布脞衍椒蕃了如指掌再修于咸豐己未善體前志一仍旧規迺來又三十余年矣使不急從纂輯則生居年月日時歿葬坟墓迁徙不几抱殘守缺也哉于是闔族商議設局編修五代一提世系井然遵前式也墓志贊叙旧譜存之新者入之

羅湘馮氏八修族譜【譜序】

罗湘冯氏八修族谱〔谱序〕

垂荣名于身后发潜德之幽光将于是乎在嗟呼纂修非易管理维艰又况承挑抚抱纪载宜详使诸公不憚勤劳不存私见奚能完善若是后人之观是谱者其亦可以奋然兴矣是为序

裔孙太学生庭辉良玉氏谨撰

新序

潜牒之修所以尊祖敬宗收族之道也我族自大树将军东京发迹代有伟人旧谱所载详矣入本朝自康熙十三年甲寅一修乾隆四十年乙未次修皆前代手书成帙迄道光元年辛巳三修始登梨枣咸丰己未四修之后距今垂三十余年其间生齿愈繁支派亦广倘不辑而修之将有积久而繆戾滋甚者光绪十三年丁亥在城祠祀祖因以绪修潜牒谋之阖族无不人人首肯如是举择同人逐房清兀凡昭穆世系各端细为讐校拟以五年己丑开局授梓因星居云散报罢越岁庚寅复倡前议自春徂秋取新旧草本尽夜检阅凡生娶卒葬诸务已登者再为考之未登详以编之远绍旁搜阅数月始克藏事其例一遵苏氏苏氏曰潜者谱吾族也观其潜者孝弟油然而生是役也尽善之说鼎辈未敢自期然既体族人尊祖敬宗收族之意而谱已告成则族人虽星罗棋布

而分之则有别合之则有亲匕者仁也别者义也庶夫后人观于谱者莫不敦仁义而各生其孝弟之心焉是则鼎辈之志也已

光緒十六年岁次庚寅菊月谷旦

裔孙家鼎帘唐氏和蕉堂氏有佳萼亭氏敬撰

旧序

粤稽修谱之昉肇自宋陵欧阳氏眉山三苏氏本仁孝之深心发为重本笃亲之美举后君子则倣焉楠不才何能副厥任要以吾族之谱有不容以不敏自谢者我祖自溪甫公由吴西迁楚南湘邑立业两虎岩后子孙繁衍星居棋布皆吾祖若守一脉源流也其中纂修世系代有贤达奈始则焚于张火继乃烧于李燹隻字六龙文献百不一存国朝定鼎以后亦多贤哲不乏陈规岂尽无留心于纂辑然或有志未行或行而未毕乃事康熙年间我族前哲诸公商议纂修经匕裔匕搜罗殆尽手书成帙非不殚厥心力惜无资费未登梨枣迄今又百余年若不继修将世愈远而年愈深后虽欲稽考而无从也已楠也素怀纂辑之心前以株守一经蹉跎岁月欲修而未能后以奔走名场欲修而不暇今幸族姪青钱仁孝夙殷续修有志由两虎岩南陂而鼓楼湾道冲而阳石坳粟嘴头杨公岭架城王家坪白岸塘黄架桥等处身冒寒暑不惮跋涉之劳鳩集族从一倡群和共商其事命余纂

罗湘冯氏八修族谱【谱序】

罗湘冯氏八修族谱【谱序】

修余觉昔日之迟延反若留待于今兹缘遵众命偕族长搜辑本源详考枝叶定厥谱式六世以上世系未繁次序易晓则用欧式合叙六世以下支繁派远昆季百千世序难明则用苏式分叙自大宗以迄小宗由始祖以及近祖从九族以至合族本乚源源绳乚继乚补其遗正其编数月牒稿告成世系井然了如指掌犹惧差谬再三核对始付剞劂编成十七册各房各领四册余册轮祭经管噫嘻祠建于当年谱修此日祠宇建而祀典隆谱牒修而昭穆序夫然后我族之大纲立矣前徽誌於不朽合绪启於无穷要皆重本笃亲之要务也但余本先人之遗稿聊为参互考订至於继前人之志述前人之事尤有待於后之继起者是为叙

道光元年岁次辛巳秋月谷旦

旧叙

裔孙允纓家楠垂智法江公撰

家之有谱所以尊祖敬宗而亲其所亲收族睦族而别其非族者尊祖敬宗孝也睦族弟也尊祖莫先於尊始迁之祖敬宗莫切於敬继别之宗睦族莫切於收聚处之族谱之所系顾不重与或者曰世之所谓为谱往往拾前贤之贵胄以光卷帙牵时代之闕阅以壮声援非不美也而核其实则未也是源外寻源本先乱矣支外生支末亦淆矣谱奚足重之有余兹续本邑冯氏之谱则无是敝也系始於 溪甫公因流以溯源则近而有实征也派

分二十余世山本以及未則簡而有确据也吾尊吾祖即尊吾始迁之祖自始祖以迄近祖皆精誠之相感也吾敬吾宗即敬吾繼別之宗自大宗以及小宗皆分义之相維也吾睦吾族即收吾聚處之族自九族以至閭族皆恩义之相貫也噫馮氏之譜若此本本源源有條不紊枝枝叶叶脉絡分明觀斯譜牒知手是編者作述相承纂輯綦密其尊祖敬宗之心睦族和愛之意天懷蠕動行見樸者安耕馮秀者習詩書浮而夸者皆返於敦龐由是春秋匪懈高祀不忒而愛敬生焉由是尊卑之倫序長幼之節明而礼让崇焉由是而知祖宗創業之艱難子孫經承之不易而持守固而勤儉生焉謂非斯譜之所致哉余與馮姓至戚伊族修譜伊族達輩問序於余余實穩悉其書之足為一姓實錄也是為序

道光元年岁次辛巳季秋月谷旦

侯選儒學正堂眷教弟周嘉湘書城氏洞軒謹撰

增修族譜總序

家之有譜所以重本源聯支屬使渙者萃疏者親無忘其所自焉已矣奧稽我祖溪甫公由豫章遷楚南湘邑洪源洞落業兩虎岩傳代最久振振繩繩其間迁徙者甚多顯揚者不少世系代有纂修雖未登梨棗手書成帙亦可信於前而傳於后矣今讀其前序云始則被於張焚繼乃現實遭於李燹譜系不完不無斷簡殘篇之嘆

羅湘馮氏八修族譜【譜序】

罗湘冯氏八修族谱〔谱序〕

大清定鼎以后不乏贤良拾残补缺仍率陈规迨 康熙及乾隆年间佳士迭出较订孔多探本寻源秩然有序值 道光辛巳前哲诸公续修谱牒叙其宗支分为四房承先后后证误辩疑剗剔精明了如指掌迄今将近四十年矣不幸干戈扰乱势异时殊若不增修恐世远年延而无稽也於是四房诸公共相酌议遵前人之定式襄继修之美举由始祖以至近 祖从世居以及迁居本本源源枝枝叶叶留心研考极意稽详虽不能有补於前幸不敢有遗於后自始祖以至十五世祖则用欧氏吊图仪载坟墓山向若查生歿年月日时旧谱昭彰无庸复载十六世以下至於今一切世次名号妻妾子女丘墓歿葬年月日时远者复而修近者接而续庶几昭穆分长幼序涣者由斯而萃疏者由斯而亲祖宗之德泽一新子姓之家声一振亦聊以体圣祖仁皇帝敦孝弟以重人伦笃宗族以昭雍睦之意云尔是为序

时咸丰九年己未岁仲冬月谷旦

续修谱序

裔孙法体谨文氏撰

谱也者所以重宗统联子姓使相亲睦无坠先绪也

我冯氏始祖奚甫公自豫章迁南楚湘邑肇基两虎岩越四世廷美公迁栗咀头廷珠公迁黄架桥廷华公迁架

城四柱之分始此山是支分派衍族遍衡湘历年不可謂不久长宗支不可謂不蕃盛值清明交代忽遭兵灾譜牒遺闕仅存什一於千百族前輩虽留心续編而有志未逮及 國朝康熙間族中長老念本源之有自恐奕叶之失傳取原本之殘闕者互相搜采鈔求成卷意欲以待后之參考至道光辛巳年合族會議若不紹修家譜世遠年湮何以承前何以启后幸我族青錢公为之督修翠衡公为之纂閱而踴躍勸事者四住亦不乏人故期年而譜告成焉自辛巳迄今將四十載矣仗祖灵佑启族中后裔溯本追远重修家乘世系淵源悉遵前式其中詳迁徙錄生歿誌丘墓正承继皆崇实而无伪从简而无繁可謂得纂修之要矣余思族譜之修經三次矣非前人之积德累仁以昌后后人之联疏萃渙以光前曷克臻此今則譜牒又喜告竣凡我族人尚其怀和族之心泯殘刻之念以固祖宗元氣以培其本根庶斯譜之修足以彰宗法而慰我先人且大我家声也是为序

咸丰九年己未岁仲冬月吉日

长房裔孙有远升科氏号希俊敬撰

续修族譜新序

从来为所必为者即审时度势而无可辞为所当为者虽遭大投艰而不容倭矧族譜之纂輯所以尊祖敬宗收族億万年传信恒於斯传疑亦恒於斯为顾可缓乎哉我鼻祖溪甫公自吴徙楚世居罗湘历朝代有簪纓文献

罗湘冯氏八修族譜【譜序】

罗湘冯氏八修族谱〔谱序〕

难存逮

国初康熙年间虽经前哲创修究未寿诸梨枣暨道光元年辛巳族青钱先生与先考栗林公复倡续修之役公择楚峰先生秉笔体裁阅整始臻完善其所以承先志裕后昆者厥功伟焉绵延至今又逾三十载小修之例使不及时缮修岁复一岁将生歿失其传亲疏失其序宅兆失其真是谁之过与吾辈读父书遵祖训适际斯会计时则已过度势更难缓虽遗大投艰义无可辞爰集阖族商以续修皆踊跃出资无违者各各房草稿亟付之攻木氏是役也敢漫言继序之善哉亦以清源流所以尊祖辨昭穆所以敬宗别亲疏所以收族不过为所必为以行吾志为所当为以终吾事兢兢业业异绍前徽於勿替云尔斯谱者由此父诏其子兄勉其弟习礼乐敦诗书而亲亲长长之体于以成俗庶几乎里尚共推为望族而朝廷永表为义门也岂不懿欤

咸丰九年己未岁仲冬月谷旦夕

裔孙家升星垣玉阶氏谨撰

七修纪因

恭读去豫章来楚南始祖讳季拔字溪甫落业湘阴洪源洞两虎岩六修各史序所载迁湘沿源及古贤创公路而人民有谱等纪外而典模训诰千万格言其中心之核心志在琢磨而琢郁亦不外乎八德之为人四箴之处

世持家以耕读而为纲执政以廉明而作则并举了如指掌之例源濯则支流清本培则枝叶沃而谱修则有利於国於家於民於族之伟大寓意显然在耳可不修乎况代白珍传修迄今而不泯灭者信乎亦由是也梨枣昭彰珠玑分析而先人之述备也惟今七修较前诸修其情况之特殊空前未有期超两届年达七十春秋其中抗日十余年日侵湘北四次枪林弹雨而人民不少被俘伤亡轰炸燃烧而巢墓几尽墟坑焦土旋经浩劫十年民躬不懈能及谱修者乎至若改革开放经济复荣百废俱兴而人民亦因之而震发溯思源本之心勃然兴矣倡议者挺然不憚奔访之劳编修者感乎义不容辞之责百和一唱共商筹划用义务之精神采简易之方式串七十年之乳血补数代人之红蓝奈时丁衍年久事堆光裕褒扬刻难尽缙忠孝节廉者博士硕士者文教勋功卓著者科研成果贡献者以及巢墓山场疆域图誌而革故鼎新者姑录未尽仰下届处境大康意诚心正之贤裔纠紊漏纪德功据现时而更旧例随进化而立新规创千代之楷模为万世之师表永朽而不朽冯是所滌盼
公元一九九三年癸酉岁长夏组修三秋告竣

花桥柱念二世裔孙序菊灼秋拜撰

七修小叙

谱乃姓族之史上溯始祖源流下序子孙之繁衍使生者俱其人文故者有其幽宅长幼有序君臣有别机创修

罗湘冯氏八修族谱〔谱序〕

罗湘冯氏八修族谱【谱序】

六届垂遗后世而吾辈岂不纱承南昌续修哉嗟於自民国十三年甲子六修之后出於意外难承祖志三十年小修是何故也因斯时局沧桑国无宁日加之日寇侵华三光洗劫荼毒生灵置民於水火之中老者转乎沟壑壮者散於四方天翻地覆惨寂异常未继志续修非后人之不为而因势之所致也茲值光天化日民安国泰之际百废俱兴百姓皆在续个谱牒而我冯氏世称盛族岂能不修哉故我长房贤士等众志成城群口铄金建议续修命余倡首彼时自感才疏学浅难以胜任而念族人之心诚祖山良玉氏遗以完光前裕后之责冒昧应允是春昱日进行采访获得一致拥护并献出谱牒数十余卷系为七修奠定良基旋经各房鼎力支持成立七修组织筹备续修事宜以五修六修两届谱牒聚编成套枝本源流一目了然虽我族支蕃丁衍仍归一本乃先祖在天之灵暨诚心肖子之福在不凡之七十年苦历艰辛保存谱牒乃刁里街法求公之勋公也而长房耆老亦有如之虽六修序言失考却不影响源流保谱者为七修的速成立下了汗马功劳美事何须雋顽石族里人群口似碑是为叙

公元一九九三年癸酉岁季秋月谷旦

两虎岩柱念四世裔孙湘汤亮畴拜撰

七修族谱浅识

族譜曰家乘者普史也夫家之有譜猶國之有史國史用以紀政事而家譜用以考姓氏之源流誌祖墓之方
向紀子姓之住宅一言以蔽之譜紀宗族之史實也雖以前六修本本源源條分縷析枝枝葉葉剖切詳明但甲
子至今時空七十丁衍萬千矧丁丑迄乙酉期間干戈四起聚散萍踪日冠數犯中華人民屢遭兵災已丑解放
地覆天翻歷史之頻變坟墓復為禾黍譜牒化為灰燼極左思潮視宗族如胡越待骨肉若途人寢致不少本不
明其本流不知其源若此怠蔑延延誠恐先人之典模遺墜后世之生歿淪亡積久而謬戾滋甚必亂昭穆之序
辱禮義之邦其歷史責任吾輩豈容推乎欣逢黃人守日天下歸仁之際我季拔公脉下福一公之后嗣仁人深
懷敦本溯源之心共興七修族譜之念時愈久而情愈篤力雖薄而志不衰癸酉新春 會族議四柱耆老遂以
七修為衷倡修者不憚艱辛協修者不辭勞瘁依據現時尊重歷史採訪千家稽查萬戶補遺正謬為逝者刻其
幽宅為生者肇其人文紅藍核對不憚再三 炳如星始付剞劂菊月底完成譜牒告竣是役也祇緣時促事繁
致遺后賢疵議是所不免期共諒之願述俚言附誌於譜云

公元一九九三年癸酉菊月谷旦

長房花橋柱大倫公裔孫善劍建華氏拜撰

倡修有感

羅湘馮氏八修族譜【譜序】

罗湘冯氏八修族谱〔谱序〕

日寇猖狂一扫空 人伦复序各西东

风霜踏遍宗支路 赢得珠联族谊浓

公元一九九三年癸酉岁季秋月谷旦

两虎岩柱念四世裔孙湘汤亮畴拜撰

七修日新有感

全球多俊杰 改革让贤君 惠政倡开放 联邦理事评

中华民族衍 团结自天伦 训诰珍仁义 修齐乐治平

公元一九九三年癸酉岁秋月谷旦

古楼柱念四世裔孙相孝孝生拜撰

重九扫墓有感

双龙池化分坊早 两虎岩岚扫墓迟

公元一九九三年癸酉岁秋月谷旦

栗嘴头柱念二世裔孙序田德意拜撰

稽譜有感

虎龍蟠踞金盆架 乳血分流白水塘

公元一九九三年癸酉秋月谷旦

添佐公派下裔孫相棟明勝拜撰

觀諸房詩聯有感

滿房難并諸房賦 禿筆猶希大筆評

公元一九九三年癸酉秋月谷旦

添信公派下序德德斌 拜撰

增修族譜自序

家之所重者在譜譜之所賴者在人使非是譜本源何由而溯非其人後嗣何由而垂也無論王侯貴冑下逮公卿士庶舍此外無他求自庸俗視之鮮不輕如鴻毛交相語曰譜牒之修聊以編年月誌山向已耳奚足重哉賢人君子則以為其難其慎或三十世而一修或數十代而一修要必本本源源條分縷晰支支葉葉剴切詳明厚

羅湘馮氏八修族譜【譜序】

罗湘冯氏八修族谱〔谱序〕

人伦笃出宗族端在是矣我 祖溪甫公唐同光二年由吴西迁楚南湘邑洪源洞水秀山青土地宏厂历传朝
代纓簪辈有如泳江公位尚书永受公任省察冰池公为太守惟清公官台諫惟伯公司宣课类皆佳城碣表详
载昭彰百世而下遥忆当年衣冠文物之风不啻宛然在目是虽夏殷杞宋文献偶存辛赖康熙年初前哲诸公
为之草创道光辛巳又复挺生贤智不憚劳瘁世系重修囊括靡遗固於本朝前明之间炳炳 皎如列星咸
丰戊午秋適恒与山楚乡道昭及罗等襄祀事於庙诸众议修家乘屈指计之已三十有九年矣况值干戈四起
聚散萍踪若怠缓迁延诚恐年湮世远先人之典型遗坠子姓之生没沦亡由斯各怀仁孝之心共兴美举之念
儿费艰辛儿经筹划雨寒暑而始告竣焉罗也不揣固陋搜辑血闻补遗正谬不泥陈规继往开来尤其后启
手录是篇以弁其端云尔

咸丰九年己未岁仲冬月谷旦

后裔孙有罗林壬氏谨撰

家谱自序

咸丰八年冬我师星垣公纠聚众人越明年一唱群和草牒具成乃重登梨枣谱式增其旧制列昭穆纲常於其上
属鼎作序以记之鼎观乎唐帝教以人伦亲以九族虽未分其篇什载其简章总之不难乎以守宗庙之典籍

者近是继则宋卢陵欧阳氏眉山三苏氏则六世以上世系未繁次序易晓有欧式合叙六世以不支繁派远昆季百千世序难明有苏式分叙此谱牒之所以仿也前人之述备矣然则仁人孝子之心施诸敦本究末之懿德后之君子览春露秋霜之景则而象之得有异乎若夫敦本无异乎木究末疑象乎水江汉可以比儿孙大海可以比宗至花开娣妹木树弟兄不源外寻源则得本之真不支外生支则得末之宝修兹谱也如竹苞矣如松茂矣如川之流不息者矣我 祖奚甫公山吴西迁楚南湘邑两虎岩立业始绳绳继继其布星居鼓楼湾道冲杨石坳栗嘴头而杨公岭架城王家坪白艾塘黄家桥等处稽始 祖以及近祖从九族以及合族叶苑底根源头活水皇皇赤赤了如指掌恐其差谬而皆有心核其实修兹谱也则有人各亲其亲长其长皆所以明人伦其喜父父子子矣况自辛巳以至己未经三十九年诸公劳其筋骨披览万户搜罗千门为歿者刻其幽宅为生者肇其人文后世子孙必体前人之心以为心行见钝者耕秀者读浮夸者返於敦庞由是非懈春秋康其享祀尊卑序其伦长幼明其节庶几哉念创业为艰守成不易曷不崇谱牒之所从来哉噫鼎虽鸡鸣十载鹄刻半生久欲纂修未徵成必得辛我星垣公暨我族与由公林壬公发笃亲美举亦以新我族之谱乐得而附骥尾焉岂非上继已往下开未来为我族之大端乎是为序

咸丰九年己未岁仲冬月谷旦

罗湘冯氏八修族谱【谱序】

罗湘冯氏八修族谱【谱序】

裔孙家鼎莲塘云丁氏恭撰

公元二〇一四年甲午岁八修族谱新序

人本乎宗亲，当填终而追远。思贻于后嗣，应绳祖武以发扬。左传云：『参天大树，必有其根，环山之水，必有其源。』自宋以来，兴朱程理学，尤重家谱，乃成惯例。国体渊源，著为国史；家族延续，编成家谱。二者皆中华文化之精髓，故称家谱与国史、方志构成史学之大厦也。我族清史，源远流长，正本清源，编纂族谱乃族人之神圣职责。

我族自溪甫公唐同光二年甲申由江西洪都（今南昌）铁树观迁至南楚长沙湘阴，落业洪源洞两虎岩，支系繁衍，迁居各地，遍布汨罗、平江、屈原农场、湘阴等地（山东济南、贵州安顺、湖北及湘阴白水等部分未录），至今子孙已达五千余众，族中子民讲道德，重礼仪，孝顺父母，善待儿女，勤于耕种，演武习文，倡扶正义，贫贱不移，富贵不淫，威武不屈，为后世树立了楷模。

为承传先祖之功德，使我族后世兴隆，我族栗嘴头二房倡议，由二房序宋公及长房伟兴公、三房昔兵公、四房德兵公等有志之士不辞辛劳，跋山涉水，寻踪觅迹，于自笔录，收集资料，整理成册，本次修谱大胆改革历界修谱族人名下单调的生殁葬格式，将族谱搬上互联网，纸谱与电子谱同时纂修，

增加族人之简历，实行男女平等上谱，增加资政铭人、资助芳名、在读大学生等专卷。序宋公率玉龙、尚忠、建国辗转于山东、河南、湖北等地稽考，求真去谬，后世可鉴之。同时将公元二〇一一年辛卯岁重修祖墓载入族谱，因敬谨而为之叙。

栗嘴头裔序玉、建国敬撰

公元二〇一四年甲午岁八修族谱有感

古樟颂

巍巍古樟寿千年

耸矗挺拔入云天

电击雷轰何以惧

霜摧雪压意志坚

冯氏赞歌千古唱

始平家训万代传

齐心协力创伟业

祖德荫及子孙贤

公元二〇一四年甲午孟春

两虎岩辉煌栗嘴头建国拜撰

派语 凡例 家训 家规

家之有谱所以联亲敦族无忘其所自焉然无人以赞襄之则涣者何由聚薄者何由醇欲联亲而敦族也亦綦难矣岁辛巳春吾族敦修家乘外虽有诸族贤纂辑修明内赖长房玉高声远秉昭章甫二房遵仪佐周垂悦垂

罗湘冯氏八修族谱【谱序】

罗湘冯氏八修族谱【谱序】

皆三房惟善丹化有富有华晚房殿魁星彩贤俊育青等之倡率其本本水源之念素切怀来经营筹画不辞劳瘁风雨是年十一月以致谓功告竣瞭於指掌使涣者由斯聚薄者由斯醇谓非亲联而族敦哉以微诸君讚襄曷克臻此孔子曰善继人之志善述人之事其斯之谓与时

道光元年

辛巳岁十一月谷旦

合族公撰

始祖原派式

季福添廷元

彦汝万德景

大胜文宣师

新派

允垂家有法

世序善相承

忠孝培根本

诗书启后昆

光宗钦典礼

安国重儒林

采藻能攀桂

恩隆风诏新

勤廉创伟业

祖训沐尊亲

贤君治社稷

子嗣庆升平

家训

敦孝悌以垂人伦 笃宗族以昭雍睦 和乡亲以息争讼 重农桑以足衣食

尚节俭以惜财用 隆学校以端士习 点异端以崇正学 讲法律以惩愚顽

明礼让以厚风俗 务本业以定民志 训子弟以禁非为 息诬告以全善良

诚匿逃以免连株 完银粮以省催科 联保甲以弭盗贼 解仍忿以垂身命

凡例

一坟墓山向关系匪轻故确载本人之后然亦有世远年湮即亲支子孙亦无从稽考者则姑缺之勿妄载谱以貽累阶或塚属公祖山落私分久经蕃禁即应照私管理彼此不处藉坟占山亦不得因山瞞坟

一谱序传赞有亲友相赠者录之亦不在繁惟族中所素传赞司局秉笔时须核其实行克副方於本名下略据数语不涉铺张不任私意至仁人孝子义夫节妇实德真行未经呈请者必为传序以阐扬之庶不泯潜德之同幽光亦可励盛朝之风教也已

一族中有出继他姓者於本生父母之下详注明白听其归宗入谱不容异视

一凡登仕版成均者即於字号下载其功名妇翁女婿有功名者亦载入谱不泯其实也

一宗祠乃先灵妥佑之地创建者儿费经营劳苦守之者须念创业之艰难倘年历久有损漏毁壤急宜兴工修整毋使褻渎 先灵

罗湘冯氏八修族谱【谱序】

罗湘冯氏八修族谱【谱序】

一谱牒既成原以传之久远分发各房填注领谱名定外用局中分发某字图书铃记存照以杜遗失伪造之弊领手者不得令外人窥看不可损坏霉漏及虫鼠油伤倘蹈此弊争公罚

一九月十三屢年祭祖之期今谱告成公谱随祭经管子孙轮祭必竭诚丰洁为主不可苟且祭毕当遵

一居家戒争讼以讼则终凶也其在他姓尚欲和解矧一家者乎我族子孙繁盛是非不能常无以后凡遇争竞不许擅动外姓輒控官长须听本房尊长排释如本房人等徇私酿祸方鸣族众族众到场务宜秉公执政竭力排解自然无事如有执拗不遵公论决裂控上此健讼也我族照例公禀首控者以警刁健

一族盛支繁生不息今所登谱悉系现在丁口自今以后凡有生歿皆宜入谱因预订红黑二谱无论男女当详记年月日时每岁九月十三至祠祀祖申报总理头人以便注载生载红谱歿载黑谱候续谱时登入

一祠内器皿什物等件屢年祀祖上年祭毕交与下年祭主无得损坏倘有损坏认赔交还

家规

一敬祖先建祠修谱所以敬先引后也今后期逢祀祖族中或远吉近务宜齐至宗祠祀祖於行礼时族长等必衣冠齐整即凡来者亦必衣冠不拘华美齐至 祖先前跪拜毋放纵形体以褻 祖灵行酒毕毋酗酒发狂伤尊卑之分如此则致祭者父兄观光者子弟循循有礼方可以对祖先倘不遵家教族尊长公同责罚

一孝於亲人有亲犹木之有本也能孝其亲是培其本不孝其亲是伤其本本既伤枝从何茂人不知孝亲反谓孝道难尽岂知人人宜尽人人能尽者乎古有显亲扬名之孝有立身守身之孝有菽水承欢之孝更有贫穷裸跣行傭养亲之孝孝何尝限人以难尽南昌患不及者来之闻也族中有此等子孙为父兄者诘诫之不悛则家法责之至曲语横言干犯无状者国法惩之

一友爱兄弟兄弟者分形连飞之人也羽翼相亲如足如手人不友爱兄弟是自砍其羽翼自杀其手足也若此者盖因耳听枕边言心怀财和利也不知贤德之妻劝夫和睦不贤之妻煽夫忤逆知其不贤煽不动矣财物业产父母均分未必毫无高低各自安分可也倘有分后争论者或鸣众或经官族众虽斥首争之人如果不出公分恃强多占者必共处罚强占者如此则争风泯而式好之风可风矣

一和睦宗族宗族者吾一家也第以门分户散支繁派远微特疏远者不相知即近者亦不相识无惑乎庆吊相失肥瘠异视一本而途人也岂知 祖宗一脉犹一体哉念及一体则富者勿以财相矜贵者勿以位相压有智力者勿以势相加饥寒困苦罔不周恤是非曲直不与较论则视一族犹一家视一身如范文正公之志其庶几乎

一慎择交游朋友者劝善规过者也得直谅多闻之友则熏陶涵育渐摩有成有等轻薄之子以牌赌啣 为高

罗湘冯氏八修族谱〔谱序〕

罗湘冯氏八修族谱【谱序】

致以摇唇弄笔为恒业以勤事浑朴为俗流乡愚敬而憚之子弟一染其习即流比匪随入粪坑终身污秽族中教子弟者最宜分别淑慝交耿直拒豪强若此辈自来必以礼待但使彼来而我不往久自没兴而不来已

一整肃闺门男正位乎外女正位乎内家庭之内肃若朝廷要知近在夫妇居室之间笑言不苟况以外之人乎叔嫂不通言男女不亲授受古人之谨於始而要诸久者防危杜渐意至深矣戚之蒙曰亨利贞是正而谨於始也恒之蒙曰利贞是以睚而要诸久也仕宦富家高堂华屋重门数进内外易分士庶人家一椽数间男女雇工出入并处势有难禁而话言欢笑务使肃然不苟则相敬如宾矣倘近於褻即呵斥责之不改逐出之至实有秽玷者送上惩治

一勤修本业士农工商各有本业业之贵於勤也必矣士不勤则粗心浮气必不能明理农不勤则田园荒废不足供俯仰士之勤在笃志鸡 将四书五经热读讲明勿令早作文字至义理深晰下笔自然明白即以应试无不见售是显亲扬名莫不从勤读中得也农之勤在深耕易耨布种依时积粪积金不憚披星戴月之劳则耕三余一耕九余三庶几遇荒有备至於工不勤则艺不精人不

而器亦不见售将衣不中身食不中口亦何益矣商不勤不惟蝇利未得亦且坐折本钱而终落魄而已妇女不勤则杼轴其空将冶容诲淫流为下贱惫懒而已

正人伦谱牒既修昭穆得序我族子孙行坐出入进退周旋务宜卑让尊少让长雍容揖孙执隅坐

徐午之典不得以小加大少凌长致干法纪如或不率家规家法重处

一 严继嗣立嗣以承宗祧必同父至亲者承之或至亲俱无方於房族相当者继之独子长子不宜继提派矮派不宜继又不可别抚异姓之子然亦有抚之者或蒙业多年或膺生养死葬之寄一时未可更易今列为附谱以别之庶宗支不乱亦不薄情倘藉事生端追还产业另择承祧可也

一 谨婚嫁婚姻为王化之原夫妇乃人伦之首典至钜也最宜慎重世有兄收弟妻弟纳兄室者又有同姓为婚者其渎祖辱先乱伦败纪大干法律致令吉凶请贺不便称呼墓碑神主不合纪载我族中知礼者於婚嫁时宜早喻之毋使贫富贵而弃贫贱纵情败礼为此不法之事倘不遵家教族长严叱其父兄并受重罚

家族名人传

青钱先生传赞

冯君讳有升字青钱号南骏彦忠公十四世孙居两虎岩定祥公之子也翁性慷慨为人刚直夙具才干自幼诗书是务不涉浮华迨长暨事急公端方正直而其所最著者轻财重义素扶大理鵬修谱牒历数十传未举之典当兹任大责重几费艰辛不辞跋涉五年之内收拾人心涣者必萃尊族达辈咸欣美举盖以前人有志未逮而

罗湘冯氏八修族谱【谱序】

罗湘冯氏八修族谱〔谱序〕

翁能善继述之斯诚大有功於宗族者也且迩年来乐善不倦念经以诚宅心以仁非惟躬行实事抑亦启迪后人然则翁虽上未获绾圭组於朝廷下亦足以树仪型於堂里非所谓才德兼备首屈一指者乎余与翁隔居不过德胜一仓固所心知目击即此数端已征本量而翁之生平行藏概可知矣道光元年辛巳季秋月玉山弟向序朝氏谨撰

汤氏节孝传

冯母汤氏讳八真余族高腾公之妻业儒荣楚之母巴邑正元之季女也赋性慈惠姆训素娴年甫笄即赋于归佐鸡克尽妇道纶者咸比之桓少君焉举一女香真適职员唐再高之次子思亮龄二十三而高腾下世逾二月遗腹一子有发字荣楚先是高腾之逝也氏欲从亡人於地下因念高堂上老已属龙钟膝下遗孤瞻依是赖权衡要之间遂以未亡身矢志柏茶集蓼仰事俯畜悉赖仔肩为慈为严独承厥任继丁大故尽哀尽礼一时内难外患交集藐孤氏乃曲意维持内外安定为子议婚聘以启后代课诗书以恢先绪复自操井躬纺织创堂勾辟田园数十年之操作辛勤诚无一刻少懈也至其俭以自奉敬以礼宾和以处族慈以驭下家虽不丰而施不吝凡修路建梁不惜倾筐倒口以与之此其生平之大较也迹其抚孤成立使之冰霜闻於月

圣天子必赐坊以旌之志於邑贤守令必立祠以奉之区区一传之微乌足以表扬哉然而垂诸久远风教攸关

传与坊祠皆一也今汤氏年逾五旬子荣楚瑰然伟器诗书誉望凡有成就古云不有是母焉有是子逾以见荻
炉之有念熊胆之能甘也而且教子之外兼以教孙孙二年虽黜黜偶儻不

他日之振兴正未有艾微夫人之力不及此楠等特登之家乘将以勉后裔而励风教也夫岂微哉

道光元年岁次辛巳季秋月族众公撰

涧泉先生传赞

凡世之所谓家乘者靡不阐扬祖父之美名垂声称於冀世揆诸宝行昭彰儿无一事之可取一行之足录比比
然矣至吾族 冯公讳有芹字辉洋号涧泉者持身清洁有耿介之风涉世公平无浇漓之习甘泊淡以明志朴
素无华屏市城而绝迹田园自乐督耕课读业绍箕裘睦族和邻性成孝友眉齐案举不让梁鸿曲奏和谐无殊
张仲滕孙曾衍庆庭前诗礼贻谋他如 公之事行类皆脍炙人口有非笔墨所能尽述也罗兴季君与山订同
庚之谊结文字之交源虽共本路隔遥区虽未目覩其丰采仪容间尝语及公之生平核其实行不禁慨然欣慕
於不置云尔

咸丰九年己未岁仲冬月吉日

族愚弟林士敬书

罗湘冯氏八修族谱【谱序】

罗湘冯氏八修族谱〔谱序〕

宋禄公传

冯公宋禄大人者乃 表泗公之次子也讳允玠号圭章其德配杨老孺人乃 公之元配也继配敖老孺人
均称淑善四德流芳阶前令子五桂增荣及至五六世其孙曾衍庆不可胜数於今岁

公之裔孙法庭同修家乘欲叙公之实行与谱嘱愚而为之愚生也晚未得覩 公之面见 公之行又何为而
纪其盛德以为之誌也哉愚思绎久之而因后裔云初之盛从斯可知皆 公之厚德所致也岂不诚为裕 之
祖也哉又侧闻愚 祖父传述之辞谓 公之生平天性朴诚忠以持己恕以待人温和可式廉让足称光辉
祖考庆垂子孙无拂於世不愧於心累闻斯言遂濡毫染翰而誌之注载於谱以垂不朽焉

咸丰九年己未岁仲冬月吉旦

四世从堂侄孙春辉氏号晓岩拜撰

恭赞

彩翁尊姑丈大人暨德配家孺人双像赞

莱子蒙山栖隐时图是二老足追随长凭忠厚传家业雅抱仁悲作母仪四代燕贻欣绕膝三朝鹿挽庆齐肩即
看写照传神处犹是云虬海鹤姿

梔褐周嘉緇拜題

小祥哭父栗林府君文

嗚呼吾 父弃兒輩岁一周矣去年是月大故乍難痛深創鉅哽咽不能成聲搖筆而悲風起何能掉不律寫哀詞一洩 父灵哉虽然吾 父一生來艱苦忧勤禿穎難馨至今日兒哀稍杀午夜紫思万不能不噴血濡毫涕陳其其概也嗚呼恻哉窃聞大父母得吾 父同怀五吾 父序居長自龀齡先意承志下率群季上奉高堂一室恬熙致足乐也亡何岁癸未 大母見背明年春

大父復捐寶吾 父哀毀骨立兩番喪具有无称家葬以礼祭以誠无论承嘗大典必躬必亲即晨昏享祀亦必寅清自矢未嘗假手于人历終身如一日其待吾叔父也始而姜被同溫繼而田荆分植自少至長不曾以衅隙聞乃棠棣之愛既深而林竹之情复篤其間有无相恤遇事提撕眷戀比兒者殆毛里无异馬其育兒輩也男婚女嫁礼畢率古不与澆俗斬華奢而重道隆師膏火之資不少 以故不孝升得奮志詩书担簷負及就外傳者數年功无寸进未分芹芹沼之香深孤吾 父之望而吾 父之栽培未必不深且切也更可念者吾族自江右乔迁湘水世遠年湮昭穆几失序吾 父惻然懼后人数典忘祖糾閭族并修家乘兩閱暑始藏厥功焉至於伯叔祖乏嗣者亦各修栗主踣付宗祠俾得共享明禋无抱餒而叹之此則孝慈之流露於承先启后者也而今安

罗湘冯氏八修族譜〔譜序〕

罗湘冯氏八修族谱〔谱序〕

在耶呜呼恻哉方吾家之卜宅兹土也聚族而居历无他姓 处何意岁戊寅竟有以基止外鬻者者券将立吾父闻之费不貲始得保全完璧旋谋族耆长合约三纸永不外售迄今先人遗业撮土无恙者无非吾 父力也次年房族不肖之徒与邻生隙陷害无从毒伤二命呜於官邻懼投里长劝息賂以重金吾 父不忍尸骸暴露虑两造訢讼不已拖累难堪领尸安厝分毫不取介节为何如耶越壬午异姓侵族祖塋率众狼威肆逞几莫撓其锋激吾族子弟忿欲以身殉吾 父恐酿 祸危言力阻一时之横祸即纾两姓之纷争遂释其宽厚感人之速大都类此此则仁恕之昭著於收族睦邻者也而今安在耶呜呼恻哉吾 父留心医术后得周舅祖正翁衣钵岐轩之业遂精一囊肩任侨寓岑山志切活人几岁忘星披月戴之苦虽刀圭奏效吾 父不取赏人未当不以薄仪图报也当是时也吾 父得初戴之欢吾母尽拚挡之力而半粟半丝由此积一朝一夕得所需矣然而费虽渐丰用仍自嗇袍取曼而不易蔬摘野而自甘方之古之人淡泊明志不是过也此则惠爱笃於利人勤俭刻於持己者也而今安在耶呜呼恻哉尔年来子妇繁成行孙枝亦迭衍虽经前岁大旱幸井泉可庠仍庆有秋将谓自兹以往布衣粒食可无冻馁之虞祇冀灵椿不老共慈竹而庆恒春耳孰意去春三月吾 父忽不豫每中夜汗流狭背比以为一时调损失宜少介意迨至夏六月神愈疲茶气息奄奄费百千万而罔验忽一日呼集儿辈先语以治己治人之道继属以附身附棺之宜谓将卒于廿日之午刻翼日即葬但终时不利数也佳期营

葬已预卜矣所虑者世俗丧父母必供佛饭僧云足灭罪资福岂知罪福吾自取秃子何能为汝曹遵家礼治丧母信浮屠诳诱谓吾死为有罪也可未几期至矣吾父呼升告曰汝代我向家龕焚香拜谢旋即折束备笥与逆汝师周先生惠臣来道迷苦次切宜节哀顺变毋以死伤生言讫复伸二指示儿曰平心两字涉世良模汝曹龙谨慎不忘幸甚少顷呼沃整冠裳命儿辈以酒酒进三杯饮未酌竟撒手遥天溘然而逝矣呜呼吾父何先见之神耶何了然於生死耶其主芙蓉城耶抑赴白玉楼耶知今日海岛相羊差乐不苦矣但儿辈午夜紫思所最不忘者吾父难苦忧勤莫报劬劳於万一一旦抱憾终天耳而谓能不悲哉能不泐陈其概哉兹届小祥拊陈薄酒奠见缕吾父之生平嘉言善行哭告灵

前言不成文泪随笔下吾父在天之灵其肯乘云车驾白鹿而来听焉否也儿不得而知之矣呜呼哀哉尚响

孝男 家升 追记

传

士君子读书数十年纵不能置身通显作朝宁之栋梁亦当嫉邪崇正为乡闾之砥柱庶几襟影无惭生可歌而没可传焉者我太姻翁冯公希浚讳有远先生其为直道犹存者兴太翁以八十有一之春秋考终於同治庚午正月二十八戌时有大德者必得其寿其信然也世居两虎岩以勤俭起家自幼酷爱诗书至老不倦惜

罗湘冯氏八修族谱【谱序】

罗湘冯氏八修族谱〔谱序〕

屡困名场莫伸壮志毋亦文憎於命也迨后鹿洞鲚堂教施时雨文化董马恠人坐春风之中至今被化导者犹指不胜屈论语称孔子循循善诱太翁似之性刚直遇无礼之辈輒而折其非所谓赤心人语不甘者其此之谓而又非徒责诸人也大学谓有诸己而后求无诸己而后非司马光谓生平皆可对人言太翁似夫人刚愎太甚者动輒招尤此乾之元龙所以有悔也太翁和以济之愉愉以娱二老怡怡以善诸昆他如乡邻戚友之交接则又如霁月光风无不令人敬挹焉昔程伊川先生终日端坐如泥塑人及接人浑是一团和气太翁又似之笃於善果桥梁庙宇之属多方玉成而钱谷不吝不乐是非鼠牙雀角之争秉正排解而一钱不取党之人义之历历轴之太君之居心仁也太翁之处世义也孟子曰居仁由义大人之事备矣然则太翁之颜其堂曰由义者不诚无愧与迄今其哲嗣受翁先生持身涉世皆有太翁之风且孙曾济济其方兴正未有艾也德配于老太君孝公姑敬夫子纺绩撑持听夕不怠凡太翁之所以治家课子者赞成之力居多虽未获诗歌偕老与太翁同享高年而其懿行有与太翁并传千古者焉兹因冯氏族谱告竣晚不忘二老之盛德因将追溯焉以誌昌炽之有由云

平江后学子蕃李克康拜撰

传

公讳法榜字龙魁名标其别号也生平浑厚处世谦和性嗜酒与世无忤克勤克俭课读课耕积铢累寸恢广先畴三十余年瑶池早返严之中而又慈焉男婚女嫁取之自娱其教家有法令子光前金罗晋爵光大门闾非翁之厚德曷克有此光绪戊寅夏洪水横流室家惊恐是年秋移至上首旁王家山另开一址鸿修栋宇焕然一新深林燕贺乔木莺迁后庚辰而洪水又作较前岁而倍加祖屋峨峨一旦付於泥沙非翁之才智庶几无虞祇冀心慕小隐林下优游詎光绪癸未正月十二日卒寿七十二葬故宅大地坪之左余与令嗣灿荣叔大人同事谱局传公所不敢辞而乃为之 赞曰惟公之德忠厚可风浑金朴玉业广家丰吉人天佑古稀是翁兰林秀起闾阅无穷太学生晋授府知事族侄孙荣锦顿首拜撰 并撰梅孺人赞 灿荣先生德配梅孺人赞

贤哉孺人懿德无亏端庄静一圣善肇基事上以敬待下以慈相夫有礼持家有规晨炊夜绩毋怠毋嬉鸡鸣戒旦燕翼咸宜三从不朽四德永垂中年鹤别巾幗人师

冯文堂老先生既德配梁太孺人传赞

公讳世先字斯美号文堂乡之善行君子也光绪己丑十月二十三日卒年六十有五庚寅仲冬公嗣君戴臣前丈以宗谱告成属余传公余请悉公生平戴臣曰予 大父鹏翥公年老勤治家薄有贄鹏翥公没后家君蒙业

罗湘冯氏八修族谱【谱序】

罗湘冯氏八修族谱【谱序】

而安经营栋宇自后素病羸疾眼目昏迷家政悉委予母大人内外钜细秩焉有条家君未当经内务及知外事以是得优游春秋数十易似乐甚可纪者然公赋惟忠厚冲淡寡言平时客至甚获覩公惟贤而敏读书者必肃疑与语移时喜治器物必精致与人一以让或买物及田产钱物书券交易毕有争者悉推兴之居闻不饮酒诸无益事不作端庄自处惟以弄孙及东家小儿自娱姻娅往来祇教习善馀无他言外大父梁公为贵老无依迎养於家十馀年久而弥敬歿后祭葬如礼外大母亦追荐焉公疾渐时集子孙塌下一如其性所短者教之犹举平日某事某事不近情理者为痛戒其精明类如此余曰先生以为无甚可纪乎此则甚可纪者也夫人不见德亦不见恶随俗俯仰此何足齿以公简默如此精明又如彼亲善如此嫉恶又如彼清心寡欲与世无较其殆有大君子之学者欤 德配梁太孺人持恭谨处事明达治田读书勤於督课颖客无不悉当人高下家费出入无吝吝无奢勤劳於家老而忘倦焉戴臣先生辱与余伯父为姻家传公及太孺人所不敢辞贊曰

惟公之德朴玉浑金靡欣靡压松竹盟心眉齐鸿案秀挹兰林堙深楔厚光照求今

姻再姓岳州府学禀生杨仁俊顿首拜撰

有嵩公家传 父畅棠公附

公讳有嵩字子诤汝瑄公十三世孙也祖友隆公讳垂诉父畅棠公讳家芳业儒性笃孝有称於时嵩公体素

强健孝友性成幼时聪颖异常识者称为读书才也八岁失怙始就家塾奉叔父命就外传有年后析箸而家计不甚丰祇得以舌代耕高堂之标有旨监米之运用略取给於硯田日课生徒夜则自立工课孜孜不辍每作诗文不暇就枕年甫成童其功苦刻励有如是者由是应童子试屡列前茅惜未见售因感暑气遂以潮热疾卒时论惜之子三法哲法嘉法喜

光緒

十六年

庚寅岁

谷旦

姻伯 家演公者作古十余载今修家乘有孟仲孙辈献廷佐才者追慕祖德意欲乞余成果为之传焉余居桑梓指添兼葭公所为见闻熟识虽自惭学浅义不容辞苟无事实者孰从而叙之若夫 公温桑宽裕古貌古心民可疑於葛天恺惻慈祥不彫不琢心恒率其本性溪桂兰之芬馥品悉端方课耕读以殷勤家均完美一生雀角无闻乡党竞传忠厚毕世麟祥有庆孙曾蔚起文人猗欤体哉稳卜方兴未艾者洵厚德获报之休徵也是为传

光緒十六年

庚寅岁

仲秋月

谷旦

垂绅公及李孺人传贊

冯公垂绅先生字必书号竹材其配则李盛福公之长女也 公温厚性成远近亲疏从无而是背非者先是家

罗湘冯氏八修族谱【谱序】

罗湘冯氏八修族谱〔谱序〕

极贫不屑屑作谄态惟服田力穡勤俭操持如是焉已孺人亦与同甘苦百折不回家政皆井井然有条理生男子子三生女子子二吾友振庭其三子也性聪慧读书无凡亦能援笔成文今虽废学而冯氏之磊落不凡者振居一焉公 乾隆癸亥年生 同治癸亥年卒孺人 乾隆丁卯年生 光緒丙子年卒芳徽远矣盈路宣扬予今岁馆於家其实 公之行事兴 孺人之宜其室家者尤缕折得於近乡父老之口爰作赞以纪之其词曰克勤克俭理阳理阴令闻不已寿域同登陇亩乐志闺闾淑身生匪富贵死而显荣梁孟云达典型犹新欲徵积累子孙绳绳时

光緒十六年岁在庚寅夏月谷旦

愚晚敬敷湛先壻顿首拜识

家义公家传

公讳家义字爱礼号智吾景悦公九世孙也祖徙珑公讳允云父声远公讳垂香公之次子也分刚直有称乡里公幼而警敏家不甚丰勤於耕铢累寸积衣食渐饶一生朴实毕世不华居家严肃处事精祥咸丰己未闾族续修谱牒设局公家举凡盐米之需钱谷之运均取给公公不惮烦无论路之远近费之遲速亲身悉为踣度诚收族睦宗之美举也旋举诚词董其事不下三四年即有余蓄修立祠寃祠内祭器庶几备焉因年老谢事归林下

課耕課讀罔不遵命壽八十歲無疾而終謂非公盛德之報立子二有寶有進孫法楠法棟法梁法柱法柯

大清 光緒十六年 庚寅歲 孟冬月 谷旦

太學第族弟家鼎帘唐氏謹贊

文衡公家傳

公諱家宗字恢緒一字文衡處士聖任公之孫書堂公之子也昆弟二人公居次家發公早卒公先嚮於財賴公辛勤力作終歲不少休家遂起其創業之艱難如此性孝友一庭之內預順可風鄉里無間言尤渾厚喜怒不形於色居常布衣疏食處之晏如訓子若孫淳淳以讀書力田務勤崇儉為修身傳家之要昔房元齡書家誡於屏風不是過也往來閭里聞古貌古心未嘗臧否人物能使人之意也消年七十有六以壽終配鄒氏子五人有理有忠有植有槐出后堂兄興國有信

馮母李老太君傳

夫譜之有銘傳亦猶詩書旌善乃所以勸不善而同歸於善之意也況百年来六經廢而四維不張寢致子有仇其父媳有悔其姑者豈不可法古人舉其善者而褒之以俾不善者有所憚翻然慕而歸於善可乎哉雖然惟貴信今而紀實切戒虛構而貽訛耳若馮府姻侍母李老太君乃平江岑川復水旁訪欽公之女也德配花橋馮

羅湘馮氏八修族譜〔譜序〕

罗湘冯氏八修族谱「谱序」

柱足峰公名下嗣有三阴昆灼秋畅芬女常英该侍母生丁清纲失纪之秋天下纷争之际超然乎尘俗之外擅纯孝而卓卓落乎劲节岂可不纪其功德而寿之於梨枣藏之於宗庙以昭不朽慰逝者以匡后世可乎哉母方二八乃赋于归礼奉舅姑承欢侍膳适性和羹定省晨昏声原柔克色慎贻如尤克慎终远事死如生此其孝之足可风也矧曾经李君工作於武汉江岸机务段时有正副段长张荣汉胡重阳题赠节孝芳型四字是为德高望重之微耳至若相待翁训崇敬戒位正外内顺三从而明四德日则纺砖操井晚则最学挑灯速夫子於不日而道岸早登诂料斯时科举遭废既而公志坚青云母盟坚白水方期伟拓宏图以共晚年之乐胡乃昊天不吊遽遇凶凶岁当壬戌母方卅一春秋而待翁遽羽化而为仙矣母於悲不欲生之时俯怜诸孤之蔑乃毅然忍泪而矢志柏舟清操益励仪表愈严虽几历沧桑若青莲之不染伊白璧之无瑕直甘辛苦小心懍继绪之忧恒惕惕以终年愈乾乾於镇日弗施华饰竹笥之裙布常新不坠女红银汉之星辰每落持家有道涉世无衍终於仝奂益增陌阡益广完三嗣之婚备一女之嫁惟冢君家政留助课仲季而文藻其才非侍母之贤焉能及此旧称曹孟共姜之德母其以之夫古今之难得者后人之昌而且贤今其家少长咸序雍穆一堂孙建中夫妇同毕业於中南矿业学院从事科研曾孙冯力夫妇同赴法国留学冯量攻读研究生堪称金枝玉叶实乃国家栋梁盖所谓方兴未艾者也论亦有曰明德之后必有达人洵非虚语也

癸酉孟秋谷旦姻愚晚黃聯欽頓首拜撰

墓誌銘文 契約 文书

始祖公馮溪甫之墓誌

公系江西洪州铁树观人氏自后唐分閔出外寻龙捕正至此洪源洞同光二年踈立两虎岩住世创业相继绳绳藩衍繁盛迁居各乡皆由两虎岩一脉所发世远延年其生平没日谱以详载稽其公墓葬於冲内金盆架
申山寅向婆潭氏葬於冲内蛇形巽山乾向文风大振祖武恢弘以是碑铭万万年誌云

始祖婆潭孺人墓誌

婆系潭门之女溪甫公之德配全乡人氏自唐分閔出外随夫至此洪源洞同光二年踈立两虎岩住世创业相继绳绳藩衍繁盛迁居各乡皆由两虎岩一脉所发世远延年其生年没月谱以详载墓葬於冲内蛇形乾山巽向文风大振祖武恢弘以是碑铭万万年传誌云

长男福一媳潭氏生子四长孙添泰孙媳唐氏次孙添潮向氏三孙添佐配向氏四孙添信配向氏次男福八媳余氏生子二长孙添仪孙媳陈氏次孙添传周氏

乾隆五十八年癸丑岁仲冬月裔孙吉日公立

罗湘冯氏八修族谱〔谱序〕

罗湘冯氏八修族谱〔谱序〕

育万先生实行墓誌

先生讳法人字育万号立三方曙公之三子也性赋仁厚浑朴持身雍雍文雅品重如山元叔遗风可仰姜家大义无殊可谓同 先生有出乎万万寻常者也虽然 先生德配 黄老孺人中年破镜义不重圆后嗣一株独秀孙支三凤齐鸣如兹济济孙曾已见荀龙之庆绳绳藩衍播开百世之支此诚 先生之德裕后昆也而且 先生享年六十有二卜葬於兹号曰象形尾又号锯山场峰回脉转亘古於斯余虽荒陋与次孙明馨同学有年故稳识先生之德聊表一二芳型以誌之於碑斯为千秋不朽云是为序

咸丰九年

岁次己未

仲冬月

谷旦

勅授登仕郎与由第族谨文恭撰

国香公夫妇墓誌铭

庚寅春余就馆邑城韞生以书来请言宗谱告成先大父行状墓誌先生其秉笔焉余先严与 公为石交侄媳为公孙女韞生尝从余游系三世通家不敢以不文乱谨按状 公讳法兰字国香号馥齐 鲁文公之子也生而岐嶷年少如成人不妄言笑事堂上以孝谨称既壮辍读理耕逢时家甚窘 公念起家之道勤俭为先铢积寸累渐至小康廓田园新栋宇数十年间气象一新睦族和邻喜宣宽大长厚以礼敬人人皆爱之即有梗顽

化之以德终身无讼端因事牵累费重金委之於数不以为意出纳持平不妄取予治家内外严肃动合古礼待客甚丰课孙读隆师重道故得援列入成均每叹风俗浮薄以质朴谨厚勉其后人子孙皆体 公志克继承焉德配

李孺人鹿车共挽鸿案相庄温惠兹和为闺壺式 佐公兴家业不但勤劳老而弥笃一切处置才德兼优有所难及者获福受报良非偶然余往来 公家亲炙既久故述其大略如此以为采风者之蓝本焉 公以嘉庆十九年甲戌岁九月十四辰时生以 光绪十一年乙酉岁六月十九戌时享寿七旬晋二岁葬上冲枫树坪椅形丙山壬向兼午子夫妇同莹有碑

铭曰

善无不报 遲速有时 公之厚德 我能知之

粗陈梗概 德为福基 封高马鬣 百世名垂

时

大清 光緒十六年 庚寅岁 孟冬月 谷旦

平邑庠生姻愚侄苏忠汉颖吾甫顿首拜撰

罗湘冯氏八修族谱〔谱序〕

罗湘冯氏八修族谱【谱序】

宗品公墓誌

公讳世湖字宗品号锦堂乃育太阳能公之子也余生也晚常闻其略於始也秉天地之正气体先世

之家规盖其赋性清纯居心仁厚状董事会貌固甚秀而且质实其行尤本朴而有文惟所念切瞻依孝敬克
尽若於于整肃内外勤俭恒敦观其继也课读督耕孙曾严训敦伦伤纪遐迩同声故继公而起者炽昌可詠兰
桂咸歌暨 德配徐老孺人幽闲之性温惠之心祀先人频繁虔采事曰姑孝顺相承乡邻咸羨二从独作闺中
矩获族党同声四德定为正内仪型六二贞吉坤象黄交三枝竞秀奕叶腾芳作歌曰翁行固清高彩衣因互戏
母仪真内则徽音嗣得人余也年晚学疏草作冒词以誌墓左仪为世代不了云是为序

族如弟卓吾谨撰

同治五年丙寅岁

仲冬月

谷旦

立

次原先墓碑

古者墓无表墓之有华表盖亦先王表厥宅里树之风声之意如我 冯君次翁先生实为表表者焉 次翁为
邑庠孟岩公孙应衍公仲子世居湘邑鼓楼湾自幼天资朴实孝友性成比长不慕世荣力敦古处居常寡言笑
谨然诺砥名励节有原宪耿介之风待人宽恕无冰炭无风波无人世突梯滑稽习虽足迹不出十里之外而湘

东士庶覩芳躅爲举丈夫子七秀者泽以诗书朴者以於农圃四十而鰥义不再娶寿跻八十有三康强逢吉四代一堂司马季主有言蓄极则曳閼极则发 翁之树德若此墓左焚黄有不如操左券者与 翁讳垂宪字次原号介夫行二乾隆丁巳年七月十八子时生嘉庆己卯年八月初十寅时歿葬祖山月形后学堂坡伴父塚德配毛孺人行於戊申卒子女孙曾另於后方余与 翁家为世姻舍侄达选 又当就三君萃衡受业故知 翁最深於其之也三君问表於余余慨三君之续学不遇而先德未扬也爰为序鹿角如此后之读者应亦可以闻 翁之风而兴起矣是为序道光辛巳年姻眷晚生李士修竹阿氏撰

怀卿公墓誌銘

庚寅五月门下士冯良心璵请曰吾祖怀卿公之卒十一年于兹矣璵从先生游有年先生又周知吾祖行事非先生孰吾祖墓既而族重修家乘将竣敦催以誌铭列卷首余因为誌之公为人倜傥多智庸常罕得窺其涯际性挥霍不屑为錙铢谋间与傭保杂作而又不耐劳若财一道似不甚介意者而卒起家丰厚终岁田连阡陌焉是遵何道欤盖静观乎消息纵之固合孙子书吏公货殖传而神而明之年足不涉江湖身不入公署有类古之高隐纷难事排解不避寒暑未尝正言质责恒之而人自止或猝临事变辄理遣情恕不露化为康庄生平和婉朴略大率类是卒之岁凡人光绪十月初二其生以嘉庆丁卯正月初六日寿七十四岁葬宅左之虎形岡公

罗湘冯氏八修族谱【谱序】

罗湘冯氏八修族谱「谱序」

讳德字新盛别号怀卿父辉洋公世居彭楼湾妻丁氏早卒继娶庄氏生子赞甫七龄亦卒孙序典今又举曾孙矣发祥正未有艾铭曰我闻天随子隐居谢禄仕又闻鲁仲连排解世称贤清风与月旦公兼而有焉呜呼公兼而有焉

世教弟邑庠生如川方至谨撰

与由公墓誌铭

先生讳理字锦文别号与由辉洋公之四子也经籍自幼即以聪颖闻然数奇战艺再北遂绝意进取适志林泉间诗酒消闲怡然自得寻常与里党相接见谈笑诙谐风取超妙人以其藹然可亲也弥敬礼焉然其教家则至肃子妇辈稍拂意必端坐堂上令长率少惶恐悼悔免首引咎已反覆海谕而后霁颜礼法森严万石君不是过也先生既不见用於世故罕所见其经济家故贫其昆仲析箸时仅得薄田数亩舌耕十餘载铢积寸累始获恢广先畴再新堂构男婚女嫁取之裕如咸丰己未督修族谱光绪辛巳倡修宗祠光前裕后敬宗收族志节於兹见大略焉光绪十一年八月初五日考终寿七十二岁葬鼓楼湾故宅之左德配丁孺人温恭淑慎性谄勤俭虽家常琐事综理微密先生之教家起家内职克副焉后先生三年卒葬合兆右余居与先生同里其季子宾素从游请述先生梗概而寿之石又其族适重修家乘将梓入牒中余遂为誌之铭曰湘山踞湘水涟郁郁佳城即

生存告之林泉也然而没世之幽光溉德又何可以弗先生与 孺人罗湘士女也晚自遍游山水间谒尊庭窃见世业宏昌令嗣人彬彬蔚起因不禁穆然问友 先生与 孺人之德而名公贤士金曰 若翁若母德配贤均持盈保盛守正居贞深观之而无虞无诈历试之而能忍能容雍雍肃肃以厚道高乡里凡事上接下裕后光前咸见其刚柔共济内外交成想其仪而仁和媲美登其堂而孝友油然既同培於根本之地遂并茂於发育之基五福骈臻岂偶然哉兹既抱朴归还允作无瑕之宝望群欽不朽之魂纺兮缵兮若 翁若母终不可谄兮晚因熟悉生平谨书以誌昔乎我特未之见也

东陵眷晚传澎龙化氏

嘉庆

七年

壬戌岁

三月

清明日立

先生名家法字昌后其先世居湘邑积累孔长至 公诗书孝友弥迪前光且器宇瑰伟乐与巴湘两邑诸名人游一时有识者辄交慕之大树遗风於兹未远也壮岁芸窗力业其间奋场屋亦有年厥后投笔事世故益举先畴而扩之田厘现得若干项其持身应物周恤邻里暨存省亲友休戚尤不效人世机权亦其读书之本志然耳膝下两嗣长君袭公馀烈震索克家豪迈一世季君沉静浑朴矢志六经子史诗文清气袭人芹藻可拾指顾得非其厚指也欤

罗湘冯氏八修族谱【谱序】

罗湘冯氏八修族谱【谱序】

德配李孺人昌江世胄也秉性真静遇劳瘁不出一怨言伉俪称贤鹿门是式至其诤诫严明

尊夫主虽视孺人早世而阶下琢成两玉业就家成与有力焉即古郑夫人过猗与盛矣余闻其行而铭之以誌佳城之不朽云

大清道光丁亥季冬谷旦

东陵五庭年愚弟彭应星拜撰

良壹姪讳吾家千里驹也诚憨厚重简默甫六岁岐嶷可人命就家塾念鲁论即成句读越十余岁出就外传书卷发愤自雄上楷书作文字颇尚清新师友咸责羨谓其有载道之器余兹深幸继述之有人胡天促十九岁而卒呜呼虽修短有数渊折彭年终归一致而要不能不怅然神伤也爰誌数言以垂不朽云

堂叔家楠萃衡氏敬撰

冯府良玉老先生暨德配胡老太君墓志

谚云养子孙守丘墓乃为人子之道也良公妣之墓系民国二十一年在此官垠垅买兰家洞兰阶公之土一块安墓于此斯时欲建墓屋而因时局攸关故未遂愿仅立碑记迄今碑记毁灭幸幽宅犹存为后裔者岂不重修而立碑焉於是春重立碑以原誌而刊之 公讳 序璋号良玉字廷辉德配胡老太君墓誌 忆悉 公

之一生朴誠敦篤肇辟书香身列膠庠清封頂戴誥封中宪大夫百世流芳虽清云未遂而诗书礼让前代之遺風宛然此誠积厚流光者也此乃公妣花甲寿筵平邑秀才李铸仁之贈言合族共贈『前光克迪』『大夫及第』之匾額而公妣克敬克篤几費心机田園广扩栋宇增新素性排難解紛解囊不惜始終持正不阿芳型卓越龙彰乚在人耳目焉 德配胡孺人賢阿内助虽未庆衍齐眉而幸觀四代一堂以耕讀承其令緒其振振雅度公妣之德盛所垂曷以致之公妣寿考及子孙之繁衍以碑而詳載之是叙

維其吉人

后德貽芳

卜茲吉地

云吉永藏

山环水绕

毓秀钟祥

公妣之风

山高水长

民国廿一年壬申岁

巴邑关王碾罗家园世晚周德 玉衡拜撰

公元一九九三年癸酉岁季秋月

谷旦重修

立约出卖屋宇基地等业人韩谦吉堂今因去业就业伯姪商议愿将先年所置之业坐落地名普田巷坐北朝

罗湘冯氏八修族谱【谱序】

罗湘冯氏八修族谱【谱序】

南上下堂屋一间亭子一个门楼一个晒池一块洋楼一个船房一间私巷一条正屋内大小房子不计间数西边横屋四房三间木仓二间水井一只屋后余基花园菜园在内周围均属私墙杂房私屋椽角滚领楼椽楼板门框门片窗户瓦盖天井柱头砖石爽礅棚中关板等项东边寄郭姓盐仓砖墙为界前抵官街为界后抵自己花园外私墙为界西抵域墙为界四抵屋界清楚尽问亲疏街邻人等俱云不受只得请托中人李玉堂等向前说合出卖与冯姓溪甫公福一公支下承买为祠当口凭中议定时值屋价并搬腾等费省平足纹银陆佰叁拾伍两整比口入手现交亲邻訖外不具领此系甘愿并无谋准等情自卖之后业听钱主修造人主另佃管业百为无阻澈上澈下无论已载未载一概扫卖毫无存留一卖千休永无续赎二比无得反悔异言恐口难凭立此文契一纸并老契一纸付钱主永远收存为据

凭中人龚瑞麟王汉溪冯子均高粹芝李玉堂陈伏生徐至和郑酿泉黄仁山钟富仁李爱堂徐彦和李耀山 受业到场人文贤家兴灿荣清正如春直林怡芝新堂握廷为光超凡元交中和法康舜弦少堂运山大贤春堂土豪

光绪二十八年腊月十六日

吐契人韩餘庆立笔

卖契印纸

湖南国税厅筹备处 为发给卖契印纸事

照得契税一项业经财政司移交过处并奉

财政部令契纸由处制备盖用关防等因兹本处印制三联契纸发交各县经征契税机关仰於各业户持契投税时飭将原契照膳於后如有添注涂改并於契尾注明再由该机关於价格年月等处加盖印信并将原立草契粘连印纸之尾盖用骑印照章征税后交由业主收执管业须至印纸者

中华 民国 年 月 日 填给立卖契韩谦吉堂今将基地凭中李玉堂等卖

与冯溪甫公等名下管业得受银陆佰叁拾伍俩所有坐落四抵等项备载原契附粘於后并由念契所铃
印为证

光绪二十八年腊月十六日立

添泰公祠契源流叙

盖闻谱以序昭穆而支派攸分祠以妥 先灵而凭依得所祠谱之所系不綦重与溯祠自 康熙年间建立邑城以来越数百载子姓云初而我添泰公之孙子星罗棋布散居道冲鼓楼胥冲南彼花桥狄旁等处离祠数十里

罗湘冯氏八修族谱【谱序】

罗湘冯氏八修族谱〔谱序〕

则一本之亲多有毕世未克覩者先君子辈屡欲建修家庙隆祭祀以亲之均有志而未逮暨 光绪戊寅贤才公偕祝轩时杰与新盛公与山公及上林恺臣灿荣籽卿与佐父以德公纠聚房众始置紫东园李屋而为之基焉斯时也顾居殷实分析多房一连四栋仅置居下两栋三分余虽心存覬覦未识如愿否詎 先祖有灵迄八年壬午岁陆续价置入契悉为其一比承房举佐全与山公总理督修虽寝食不暇幸房众以趋承上下解修三栋旁起余屋若干开置祀田数顷内建神龛主牌晋而先绪恢矣外立牌垛姓氏彰而观瞻壮以未半载告厥成功事虽人力我祖在天之灵有以致之也厥后逐房轮祭契随谱管常虑谱历世而续修契日久而或失兹修谱牒而附刊家乘庶后日之稽查有自而佐辈儿费经营俾世世子孙共相传於不替耳是为序

光绪十六年庚寅岁仲冬月谷旦

裔孙法佐辅邦氏号佐才敬撰

立吐契出卖阴地字人九都八甲杨继山崑山等人今将芦花滩冯姓坟畔自己落分之业阴地一块横五丈顺五丈五尺窖石为界左抵李近震妻坟为界右抵窖石这界前抵杨忠玉地窖石为界为界后抵古坟窖石为界四界分明请托血戚唐昌助为中向前说合出卖与十都八甲冯宋禄子孙永远管业听其冯姓进葬挂扫杨人无异当日凭中得授价银拾两五钱整一色现交继山兄弟亲手领受自卖之后不与房亲内外人等相干今恐

无凭立此文约卖契永远收执存据

方三毓

助安

尊贤

世贤

当凭中杨班选全侄杨助周

受选

若旦

海山

轩禄

卜年

书受

冯墨鼃见立

琢章

雍正十年甲戌八月

十一日

杨继山笔

立吐契出卖阴地字人九都八甲杨汉选班选海山昆山等今因本心情愿将芦花滩从西北向东南阴地一穴迁作乾山巽向兄弟商议甘愿请中杨轩禄卜年赵有重向前说合出卖与十都八甲冯士元安葬次孙媳杨氏当口凭中得授价银陆两伍钱整一色现交亲手领訖自卖之后坟并罗围横顺一丈卖与冯人管业而坟之上下杨姓地上杨人不得截脉戕漏有疑冯姓坟莹听其冯人进葬挂扫杨姓无异恐后人信难凭立此文契一纸永远存据

罗湘冯氏八修族谱【谱序】

罗湘冯氏八修族谱〔谱序〕

当凭中赵有重杨南山卜年皇彩轩禄金山谷选昌龄皇锡帝选冯孟岩袁文必兰同见立

康熙五十五年丙申九月初二日

杨继山笔

立约吐契出卖屋宇基地字人平邑李姓信今因年岁不已家下无钱用度只得合家商议将先年品分之业接置之屋地名紫东园第一门栋连五间廊檐在内第二栋东边厢房夹房堂屋一边亭子一边天井一个东边辕门到三间基地一块又上岸伴胡姓余基一块菜园一块横顺壕堤门首地坪粪墩池塘石堤原系公共品分一并在内自愿请托中人向岳峰毛玉山等书尽房亲内外人等均称不受向前出卖与湘邑冯彦忠公孙曾永远管业当口言定时值价钱叁佰柒拾串文整一手现交亲领并无短少分文自卖之后李姓亲疏人等一吐千休并夫异言随冯人修整创造毫无藉衅生端置后永振空声富贵绵长今欲有凭立此文契一纸永远存据价足契明当凭中人周时丰河清长福佑民黄辅仁毛瑞云向献吾李肃乡浣夫润臣约吾吉轩昔臣悟生祚屏仙槎岸乡菜坑策吾官庆守吾子藩育春杨高隆胡德兹值年经营以德与由其祥新盛祝轩明远廷光以朝欣然忠信国香灿荣贤才冰玉时杰三已瑞腾善聪等

光緒四年戊寅十一月初三日

平邑李性及兄弟面请族姪变臣依口代笔

立约吐契出卖屋宇字人平邑岑川李守吾今因去业就业只得合家商议将先年品分之业土名紫东园第二栋西边厢房一只伴夹房垛子公共外有地基飞檐内有天井一个亭子一边以及门首地坪粪墩池塘石堤后山原系品分一并在内自愿请托中人杨高隆李策吾书尽房亲内外人等均称不受向前出卖与湘邑冯彦忠公孙曾永远管业当日言定时值价钱叁拾伍串文整一手现交亲领并无短少分文自卖之后一吐千休毫无异言随冯人修整创造无得藉衅生端置后永振家声富贵绵长今欲有凭立此文契一纸永远存据价足契明当凭中人李子藩祚延性及肃卿周时丰佑民长福冯美文以朝法寿福远值年经管忠信与由贤才国香为国廷光明远欣然以德时杰灿荣新盛紫轩冰玉善聪献廷

光绪四年戊寅冬月初八日

李守吾面请侄祚延依口代笔

立约吐契出卖屋基字人平邑李星桥定民今因出远就近只得合家商议将先年分秉之业土名紫东园屋基余基菜地塘段地坪石堤后山泉井原系公共分秉一并在内自愿请托中人李策吾黄朴诚向前说合与湘邑冯彦忠公孙曾管业当日凭中言定时值基址价钱伍串文整一手现交领受并无短少分文未卖之先均已尽既卖之后一吐千休水石无存随冯人开创无得异言今恐无凭立此文契一纸永远存据价足契明当凭中

罗湘冯氏八修族谱〔谱序〕

罗湘冯氏八修族谱【谱序】

人胡飞岩得兹胜光李子凡周长福杨高隆冯良俭理明凯臣为寿献廷瑞言值年经管与由以德祝轩以朝紫轩美文冰玉贤才时杰书田灿荣其祥廷光福远

光緒六年庚辰六月二十六日

李定民亲笔

立约吐契出卖屋宇字人李育春今因出远就近只得合家商议将先年分秉之业土名紫东园第二栋西边正堂一半正房一只泊水一只天井一个寸砖瓦木石铁所是前后周围系分之业寸土一并在内自愿请托中人杨高隆周和清向前说合出卖与湘邑冯彦忠公支下孙嗣管业当日凭中言定时值价钱柒拾叁串文整一手现交亲领并无短少分文自卖之后一吐千休水石无存随冯人修整创造我李姓人等毫无藉衅生端今恐无凭立此文约永远存处价足契明当凭中人叔李策吾兄子凡弟梅生姪次昌周长福佑明冯献廷灿荣美文以朝善聪其祥值年经管为恕理明为国与由良建时杰福远贤才辅邦书田

光緒六年庚辰岁十二月二十六日

遵母命李育春亲笔

立约吐契出卖房堂屋宇田地山场余基字人李策吾今因出远就近只得合家商议将先年分秉之业土名紫东园第三栋东边一所屋后田山丘地三块张家冲山一块熟地一岸均系品分之业寸砖瓦木石铁所寸土一

并在内自愿请托中人杨高隆向前说合出卖与湘冯彦忠公支下孙嗣管业当日凭中言定时值价钱一百二十八串文整一并现交亲领并无短少分文自卖之后一吐千休水石无存随冯人修整创造我李姓人等毫无藉衅生端今恐无凭立此文约一纸永远存据价足契明当凭中人李子凡王兴盛冯时杰上林值年经管与山辅邦价置李肃卿一契育春一契次昌一契皆系第四栋一所荒田熟地一所前后周围品分之业一概在内卖尽凭中人杨高隆面议价钱八十一串文整此即一手现交亲收亲领是实价足契明外不具领

光绪八年壬午岁五月初九日

策吾亲笔

立约吐契出卖房堂屋宇田地字人李子凡今因云远就近只得合家商议将先年品分接置之业土名紫东园第三栋房堂一所余基一块荒田三丘寸砖瓦木石铁前后周围所系品分之业寸土一并在内请托中人王兴盛杨高隆向前说合出卖与冯彦忠公支下孙嗣管业当日凭中言定价钱一佰三十串文整一手现交亲领并短少分文自卖之后一吐千休水石无存随冯人修整创造我李姓毫无异言恐无凭立此文约一纸永远存据当凭中人李策吾肃卿长福冯上林

李子凡亲笔

立约吐契出卖字人胡荣先今将系塘池粪段内外地坪概系十五分之三分又门前基地一块请托中人胡飞

罗湘冯氏八修族谱【谱序】

罗湘冯氏八修族谱【谱序】

岩向前说合出卖与冯彦忠公孙曾管业当日三面言定时值价钱六串六百文整一色现交亲领并无短少个文自后并无异言今欲有凭立此为据凭中人王兴盛李子凡 光绪八年胡荣先亲笔价置杨高隆一契西边辕门基地一块凭中凭受益面议价钱五串文一色现交亲领价足契明价置周长福土地坡大小熟土四块凭中徐鸿余狄禄贤面议价钱三串文整一色现交价足契明外不具领 立约吐契出卖山中阴穴字人敖玉福情因家财乏用只得自心情愿将先年接置之业坐落土名欧家坡中藉我敖姓祖坟中间阴地一穴请托中人梅芳溪高溪福生黄朗然敖楚伦书田房为则少廷胞兄王枚向前说合出卖与冯香芹安芹德芹彩芹新芹教成兄弟叔姪接授管业当日凭中言就得受时值价钱一十伍串文整一手现交亲领自卖之后听其冯姓动工作生基进葬竖碑口后来山挂祭历年修培并冯姓坟莹上齐主顶下至咀梢我敖姓不得绝脉栏道进葬无得异言恐后无凭立此甘心出卖字永远存处

先尽尽房亲内外均不接授又据

当凭约内人同见立

民国三年甲寅二月二十二日

敖玉福 亲笔

湖南高等审判厅民事第三审判决

十五年上字第 二四四号

判決

上诉人黃月樓住湘阴长乐乡

其余上诉人詳 卷

右訴訟輔佐人舒 展律師

被上诉人胡宗炳住湘阴大荆乡

其余被上诉人詳卷

右訴訟輔佐人 馬續常吳家鹿均律師

右兩造因請求確認魚利所有權涉訟，上诉人不服长沙地方审判厅於中華民國十四年三月十一日所為第

二審判決，提起上訴，本厅判決如左：

主文

原判決關於其餘控告駁回及訴訟費用之部分，廢棄，發回长沙地方审判厅更為判決。 鄧達五印

理由

按現行法例，當事人應各就其主張有利於己之事實負舉證責任，所謂舉證責任之分担是也。至訴爭事實之

羅湘馮氏八修族譜〔譜序〕

罗湘冯氏八修族谱【谱序】

认定必当事人提出之事实已有合法证明审判衙门始得认为真正本件关于周崇堰之水注原为两造所不
争毋庸审究所应审究者即被上诉人是否在周崇堰有取鱼权利是矣查被上诉人在第一审请求确认鱼利
所有权其惟一主张则以周崇堰北岸多系被上诉人田宅有崇堰上之斜堰可资比例（斜堰沿岸多系徐姓田
宅故归徐姓取鱼胡姓荫田）然后阅原审勘图被上诉人住宅与周崇堰相距甚远而该堰南岸之田山及北岸
之沙坪均为上诉人所有以视斜堰两岸均为徐姓田宅其情刑原不相符且即如被上诉人所云两堰情形并
无不合而本诸历来之情况被上诉人是否在周崇堰取得鱼利所有权亦实有审究之必要兹查被上诉人除
为堰比例外并不能提出何项证据证明其历来对于该堰有何权利之行使而上诉人所提出足以反证被上
诉人不能在该堰取得鱼利所有权者则有乾隆四十八年湘阴县大镇乡分司禁止胡奇文等掘堰取鱼之晓
谕此项晓谕即如判所云不能援引前清府州县判案以已经确定论而按之官吏於其职务上作成之公文书
苟非有切实之反证当然认为完全之证据力则对于本件两造之关系固和失为有力之证明又查上诉人所
提出道光八年及光绪三十四年邻邻劝 及和解字据亦足证明被上诉人不得在周崇堰有取鱼之权利虽
被上诉人不承认此项字据然是否真实亦实有审究之必要乃原审对于以上各点均不予注意徒以被上诉
人空言之主张为正当殊於职权上之能事有所未画上诉人声明废弃原判决应认为有理由邓达五印据上

文
论断本件上诉为有理由依民事诉讼条例第五百四十四条第一项及第五百四十五条第一项特为判决如主

湖南高等审判厅民事庭

审判长推事邓静安印

推事余谷印

推事彭世伟印

中华民国十五年六月二十四日本件证明与原本无异

书记官邓达五印

中华民国十五年六月二十九日

狄家旁濠谷仓众姓牧山文契约判词

立约吐契出卖山场人李志言子彬光华等兄弟父子叔姪商议将先祖接置之业坐落土名濠谷仓山场一所
所有上鱼婆塘下鱼婆塘李子坡鸡蛮心青山洞长洞等处一带盘曲山场概系在内请託中人黄文彬徐巨
资冯兴周进场说合出卖与王思圣兄弟管业樵牧当日言定得受山价银壹拾伍两五钱正一手现交并无

罗湘冯氏八修族谱〔谱序〕

罗湘冯氏八修族谱【谱序】

短少其山场地界限上齐濠谷仑尖峰骑仑分水为界下抵田垅山脚为界南抵长洞坡心直上为界北抵蛇它仑尖峰为界凭中登山蹂踏四界分明并无混淆自卖之后听之王人樵牧管业我等无得异言今恐无凭立此文约永远存据 价足契明外不具领 老业主狄元魁狄首登

该山合与众姓

凭中 谭庭翰 陈能弘 狄步云 黄群见 黄耿光 狄作梅 冯宋禄

冯儒席 杨似崇 王叨选 傅伦次 徐周彦 徐登庸 钟文斗

王介仁 喻清四 黄素存 徐春元 向习孔 王三于 黄公秉

黄瑞玉 冯孚下 刘孔质 王廷才 张金山 狄世远 冯锡堂

刘拔川 王南山 王明旦

乾隆六年 辛酉 十一月 初八日 姪李光华笔

立公议照例永杜葛藤字人九十两里徐达孝黄卓山梅华表杨舒弘程美仁李健堂等情刘孔质时泰亨贞等与王师圣朝玺暨黄徐陈冯邹周杨等姓为牧牛山场互论衅起争端而刘孔质等业族将王师圣兄弟先年购置之围山壕堤毁挖致激王人遂鸣里等到场理论里等稽查来历彼疆此界业各有主兼核山实与刘风马前

例后規章程已定欲改而不可欲易而不能驗王之山則份置李与朱传三姓之契則管守有年跟王人之堤則围蓄亦有年而包围字又据此山若类于牧胡当年据为壕等据其堤則不应有今日之毀即其毀实未免混而非刘之控荆詞皆非砌但刘与王暨众姓等情联系梓世好通家詎以区区土壤致伤雅道里等不忍成讼从中心理劝浼令刘人当思今日之例悉先人之規而何况该山名各有主乎毋庸混反除王余婆暨长洞蓄山内其外一带盘曲山场听其狄家旁众姓仍照其牧牛刘人无异王姓山场刘人出具扶堤费錢五千文仍照原堤脚修筑无异外人无敢覬覦滋事嗣后雅道仍敦世好无尤矣此议

当凭里众 黄东红 狄岐丹 罗国斌 杨显鸣 杨归仁 狄一泗 朱德中

黄具宇 许明斋 黄启秀 王明兰 冯文再 向九无 傅见凤 仝见立

黄子文 刘在隆 周清安 陶则见 杨得一 陈荣照 徐学尧

乾隆四十八年 六月 初九日 桂席轩 季健堂笔

立查明劝释另立合同永杜字人里绅一千情濠酷仑骑仑分水直至青山洞横洞鸡峦心李梓树坡鸭峦心上余婆塘下余婆塘背后冲等处溯自圣朝开创以来数百载章程例系王冯杨黄陈以及应牧众姓公牧樵挖山场无异虽有乾隆道光年间各据原属捍外清内从未勾结同乡哭本年王姓族修家乘叙载图形契据众阅有

罗湘冯氏八修族谱〔谱序〕

罗湘冯氏八修族谱【谱序】

关公山牧厂激鸣我等到场查鸣核实王乃未定草稿彼此无据说只得从中力劝须念桑梓之情素敦雍睦毋存嫌忌之陈顿起争端公断彼界我疆蓄濯攸分人已公土私业照管率由旧章山效桃林之野情义更重断金和同让畔而耕式好愈深伐木诚恐口说难凭立此合同并勒石碑长垂共鉴姓字芳流百代成规永守万年

公举张小珊筭

当凭 胡飞岩 杨家欣 冯美文 杨得望 程仍川 刘齐峰 冯甫邦

冯盛朝 陶植臣 狄朝廉 冯守文 黄于松 黄吉生 刘希颜

冯凤祥 周得杞 杨迪吾 徐执夫 冯干泽 王科发 杨少卿

冯献廷 杨升上 冯礼明 冯新党 杨登榜 王甫臣 王庆仁

冯新祥 王广源 黄礼兰 王贤辉 冯福远 王琴堂 杨得湘

杨茂桂 冯以朝 王言猛 陈科有 同见立合全 冯收献廷家 王收广源家 黄

收礼兰家 杨收得湘家

光緒十二年丙戌岁菊月二十四日

公举李松卿笔

湘阴县政府民事判决

判決

原告人刘价人男年六十一岁湘阴县人住大荆乡 儒徐刘玉纯等在卷不列

被告人冯伯夫男年五十二岁湘阴县人住大荆乡 儒

王德卿男年二十六岁同 上 商

张允卿男年三十四岁同 上 儒

王谷仁男年三十一岁同 上 上

冯竹青男年四十六岁同 上 公务员

黄春臣男年四十岁同 上 农

余松光男年二十岁同 上 农

李如溪男年三十岁同 上 农

王偶卿 未到

王镜堂 未到

右列两造因山场涉讼案本府审理判决如左

罗湘冯氏八修族谱【谱序】

罗湘冯氏八修族谱【谱序】

主文

濠谷仓二般头峰起骑仓分水向西直下经青石山抵黄姓蕃禁公山前转北经青石洞李子树坡骑仓水向东直上至鸭恋心主顶峰以下(原告人认为团牛尖)向北斜绕冯人蕃山经上余蒲塘抵蛇它仓沿山南转(包括团牛坪鸭恋心鸡峦心在内)抵濠谷仓二般尖峰止界内应即开放永远定为王姓冯姓黄姓张姓余姓李姓杨姓彭姓狄姓邓姓邹姓刘姓(计十二姓)牧牛刹草公共山场但毋论何方除原有各坟照旧保存外以后不得在此山场进葬

本审诉讼费用两造平均负担

事实

缘坐落县属大荆乡濠谷仓山场包括上下余婆塘坡岭起伏相连形势亦极般曲据原告人刘价人等陈述系其私业在明代景泰二年四年远祖刘占魁两契买自汤有才孔广盛之手(抵界载契不录)除李子树坡靠北一部份於前清乾隆初年光绪十八年先后售与胡姓冯姓外馀为数百年来刹草牧牛用所举证明之点(一)濠谷仓二般尖峰下骑仓分水以北(即本案争点)曾有刘姓看山人邓兰馨在此种蒞(一)李子树坡牧山山内冯坟上葬有吴氏坟巽山乾向有潜无碑(一)光绪十八年冯伯夫买受李子树坡从骑仓分水直

上至团牛尖（此处被告人指为鸭帝心）以下靠北一块蓄山系刘倬人所卖（一）李子树坡刘坟下界碑被窃（一）李子树坡刘姓原有牛路（一）上余婆塘下一带刘田系此塘水荫救（一）山下刘姓二三十户种田数十石蓄牛数十头历在此山刹草肥田及牧放牛仅此原告人等主张所有权之根据也据被告人冯伯夫等陈述此山场系乾隆六年李志言售与王思圣管业（抵界载契不录）因受刘姓欺压即将此业合与地方众姓以作牧山嗣於乾隆四十八年众姓与刘姓发生纠纷曾经地方李建唐等公判除将濠谷仑二盘尖峰骑仑分水直下抵长洞蓄山其靠南者暨下余婆塘割让与刘姓管业外其余山场概属王冯黄张余李杨彭狄邓邹各姓所有所举证明之点（一）印契（一）大荆司官盖印之公判字（一）光绪十二年众姓竖立毛公墩城隍庙外长岳大路之禁碑（核与本府调查相符）（一）光绪十二年地方劝释合同以山场为众姓牧厂公山王姓家乘不得叙载图形契据（一）团牛坪北多年之上下牛路两条（一）邓兰馨越界种蒔曾被王年玉锄援（一）争点牧山内原葬有邹坟胡坟冯坟及冯坟上之古坟（原告人指此古坟为刘吴氏之坟巽山乾向）此被告人等主张所有权之根据也诉经本府两次履勘集案研讯两造各就上列证明要点互相驳辩（详载迭次笔录）而其扼要之处即是被告人等攻击原告人等（一）持有明代景泰二年四年两纸白契无效且列五百年契纸字无剥蚀而契均烟青色写法一样契末不列中证人名字违反习惯方式显系伪造（一）光绪十二

罗湘冯氏八修族谱【谱序】

罗湘冯氏八修族谱【谱序】

年众姓在毛公墩城隍庙外竖立禁碑当时原告人等何无争阻之表示（一）原告人等所提乾隆二十九年刘团享父子文契上之县印即与另提同光年间粮单上之县印不合是此契印何足证明我被告人等乾隆六年王思圣契上之县印为伪（二）民国十六年原告人等登记证任意增添青石洞鸡峦心等七字又将上字窜改这至字原文系濠湖山上乃改成濠湖山至青石洞鸡峦心等字样与县政府存根不符而原告人等攻击被告人等（一）若如王思圣契载李子树坡属王思圣与众姓何以光绪十八年刘倬人能将李子树坡骑仑分水上至团牛尖即鸭恋心以下靠北一块山场售与冯伯夫葬父及作蓄山被告人等所提之公判字祇云割让下余婆塘及长洞蓄山则李子树坡即不在割让中试问该冯伯夫何以自圆其说（二）山下刘姓二三十户如无此场数百年来系从何处刹牧各语案经辩论终结应予判决

理由

查买卖契约必须投税原确定人民之权利遇有纠纷发现即持此可以证明朝代虽殊办法元异亥原告人之远祖刘占魁员受汤有才孔广盛两业如此广大蓄牧场所经历五百餘年以至满清鼎章其本人及子孙不将文契投税查核契上字式无剩蚀一色烟青两契写法即同又不尾列中人殊违习惯方式毋论其契为真为假而白契之不能证明权利现行法令规定甚明虽於民国初年一度验契而已在被告人等取得权利之后若谓

王思圣契上第印为伪证以该原告人等所提乾隆二十九年刘国享父子契系印即以另提之同光年间粮单上显印相比较该契湘字右旁之目字县字右边之口字及印字笔尽其长短方圆大小坚软迥然不符一望而知刘国享父子契上县印为不真适足以自证其伪遑论可证王思圣契上之县印耶及至民国十六年在县登记又复任意增改证件核与存根不合情弊显然是被告人等攻其白契不能持与乾隆六年王思圣之印契对抗而登记证尤不足为凭自属有理矧查毛公墩当长岳要道光緒十二年众姓早在此处城隍庙外竖立禁碑路为行人所常经庙为居民所共祀何以原告人等熟视无睹不於比时起而争执而佯若不知岂不可怪更就该原告人等所举证明业权各点加以推究（一）牧山内冯坟上果为刘吴氏之坟巽山乾向何以拒绝监定（见二月二十三日笔录）冯坟系甲山庚向其坟既与一样其向胡独不符明毛此系古坟而刘吴氏确葬李子树坡刘倬人售与冯伯夫管业之蓄山内刘卿王刘邓氏夫妇两排坟下东边半旁无疑（核有契载为凭）该原告人既不能反证东边半旁所葬为其他刘姓何人即不得混争冯坟上之古坟为刘姓祖墓（一）邓兰馨曾在二盘尖峰下坡地种蔗既据王年玉具结证明锄拔属实不得执此为业权上确切之证明（一）李子树坡冯坟上既有刘姓界碑岂有如此广大山场他处更无一碑界之理矧所谓界碑被窃试问有无方法以证明之（一）李子树坡下牛路原告人等住居附近平日难免不在山场剝牧积久成径事或诚然但仍难恃此以为垄断之证据

罗湘冯氏八修族谱【谱序】

罗湘冯氏八修族谱【谱序】

(一)上余婆塘经此次履勘地势低洼确系群牛卧水蹂躏所成四方无堤蓄水仅寸谓之段则可谓之塘则不可若遇久雨水源来自山上经此低段流下灌溉刘田依法在被告人等不能以此低段系在众姓牧山而遂阻塞自然流来之水原告人等何得因此攻击对方综此数端殊难认原告人等之主张为确当至被告人等所举证明业权各点固多近理第谓李子树坡统属於当日割让下余婆塘之列核之公判字既未叙载李子树坡一并割让以故原告人等借口如果刘姓无业何以冯伯夫曾於光绪十八年价买刘倬人李子树坡之蓄山冯伯夫纵谓李子树坡即是所载一带盤曲山场俱地割让下余婆塘之范围然其说终嫌牵强又若谓原告人等在此山场毫无剝牧权利其山下数十户平日之铲牧究在何处豈被告人之田牛须铲草以肥之入山以牧之而原告人等之田牛独可不肥不牧乎是原告人之指摘不得谓无理由總之代远年湮证据各现瑕疵理由互曲直而欲争到山场所有权确属於何一方面诚为事实上之不可能据本府访查本案原告人刘价人被告人冯伯夫俱君子儒也其所居大荆乡接近平浏素多盗匪从前合办转系团练捍卫桑梓实为死生患难之交当民国十六年农协披猖时刘价人被逮入狱头几断矣冯伯夫闻之抚膺泣曰价人死吾不独生竟不待赤堂之捕面束身投县时人靡不叹其风义旋因马口事变俱获幸全即此固见天之报施善人而两造究应如何痛定思痛从吉凶终隙未冉得谓为君子之交乎即据冯伯夫等主张山场确系王思圣付与刘姓剝牧殊不知刘姓同

为地方众姓之一当口王思圣既未特定付与某一姓而限制刘姓无分则应一视同仁即据刘价人等之主张确系私山抑何不可化为公古人捨千缗之宅者有之矧此濯濯牛山与其居奇曷若济众或有谓冯伯夫之争为谋吉口冯伯夫抑知风水之说终涉窗乎王季之墓为溧水所凿而文武崛起周祚延至八百年郭子仪祖坟为鱼朝恩所拙辛至富贵寿考盗发粤西岑氏之祖墓几尽而兄弟同时开府可见家世之隆替道固在彼不在此或有谓刘价人长厚出於子弟之裔制不得已而然者殊不知春秋责备贤者马氏之诚实不效之刑事发生罪坐为首此为刘价人应有之觉悟而在刘纲珊刘变乾亦应忏悔前夫恢复令名不得借此推波助澜再陷刘价人於不义其余人等惟马首是瞻刘价人冯伯夫果能放弃其主张而互相让步本案断无不可和平解决之理巴人让芋许伯辍耕俗美化行千古称赞本府以刘价人冯伯夫为儒者故不惜举儒家故宝尽情劝道生公说法顽石为之点头然则两造對於本案之讼争其亦可以已夫至本审诉费用依民事诉讼法第八十二条定其负担特为判决如主文

湘阴县政府民事庭

县 长尹乐道印

承审员章之峻印

罗湘冯氏八修族谱【谱序】

罗湘冯氏八修族谱〔谱序〕

书记员薛华甫印

本件上诉期间限自判决送达之次日起为二十日

上诉法院 长沙地方法院

本件证明与原本无异

书记员薛华甫印

中华民国二十二年四月九日

湖南长沙地方法院民事判决上字第四七号

判决

上诉人冯伯夫年五十岁住湘阴大荆乡

其余上诉人详卷

右诉讼辅佐人叶之乔律师

上诉人刘价人年六十一岁住湘阴县大荆乡

其余上诉人详卷

右诉讼辅佐人黄宗炎律师

右两造因确认山场所有权涉讼一案上诉人等不服湘阴县政府中华民国二十二年四月九日第一审判决各自提起一部上诉本院判决如左

主文

原判决关于系争山场刘姓共有及讼费部分发叶刘价人等上诉及在第一审之诉驳回

第一审及第二审诉讼费用由刘价人等负担

事实

上诉人冯伯夫等都声明永将原判决关于系争山场与刘姓公共部分发业并驳回刘价人等在第一审之诉之判决上诉人刘价人等求将原判决关于系争山场与王姓等十一姓公共部分废弃确认为刘姓一姓所有之判决其餘两造事实上之陈述与第一审判决记载同依民事诉讼法第四百二十二条引用之

理由

本件系争山场究归何方所有当视两造提出证据如何以为断查冯伯夫等提出证据一为乾隆六年印契一纸一为乾隆四十八年公议字一纸一为光绪十二年合同字一纸其乾隆六年印契系王思圣接李志言之业

罗湘冯氏八修族谱【谱序】

罗湘冯氏八修族谱【谱序】

契载「濠谷仑山场一所有上鱼婆塘下鱼婆塘李子坡鸡峦心青山洞长洞等处一带盤曲山场概系在内」据冯伯夫供称王姓因该山与刘姓山昆连每为刘姓强占甘愿与众姓共有又据王德卿供称先祖思圣在乾隆年间资财虽有人丁甚少不堪刘姓搅扰祇好将该山化私为公归十一姓共管云云是该山山王姓公诸众姓已据王德卿供认属实毋庸审究复查乾隆四十八年公议字载「刘孔质〔刘价人前辈〕等业族将王思圣兄弟先年约置围田壕堤毁挖致激王人遂鸣里等到场理论（中略）除下鱼婆塘暨长洞蓄山内其外一带盤田山场听其狄家旁众姓仍照原牧牛人无异」是该山除下鱼婆塘暨长洞蓄山画归刘姓外其餘概归狄家旁众姓共有毫无疑义而刘价人等主张该山系刘姓一姓私有唯一凭证即景泰二年与景泰四年之白契两纸并以契文刊诸族谱足可凭信为词查该项契纸一色烟青形同煊染已难认为其实族谱纸载即无审究价值之言且上诉人冯伯夫方面有乾隆四十八年之公议字则该契纵令属实亦应受该公议字之拘束而失其效力再查光绪十二年众姓因王姓修谱拟载该山图形之故曾经另立合同并刊石立碑於毛公墩城隍庙外确定该山为众姓牧厂果系刘姓私有该姓方面耳目之何以訖无异议是该山属冯伯夫方面众姓共有非刘姓私有自不待言原审既认定刘姓所持景泰年间之契为非真实竟将系争山场判为众姓与刘姓共有殊嫌率断冯伯夫等提起上诉请求废弃该判决关于系争山场刘姓共有部分不能不认为有理由刘价人等之上诉

应予以驳回

据上论结冯伯夫等上诉为有理由刘价人等上诉为无理由由依民事诉讼法第四百一十五条第四百二十六条第八十一条判决如主文

中华民国二十二年

八月 二十一日

湖南长沙地方法院民事第一庭

审判长推事杨希震印

推事胡凤丹印

推事李铸愚印

本件证明与原本无异

书记官朴世禎印

中华民国二十二年

八月 二十八日

濠谷仑第三审判词

湖南高等法院民事判决二十二年又上字第一二六号

罗湘冯氏八修族谱〔谱序〕

罗湘冯氏八修族谱〔谱序〕

上诉人刘价人年六十一岁住湘阴大荆乡

其余上诉人详卷

被上诉人冯伯夫

其余被上诉人详卷

右当事人间请求确认山地所有权事件上诉人对於中华民国二十二年八月二十一日长沙地方法院第二
审判决提起上诉本院判决如左

主文

上诉驳回

第三审诉讼费用由上诉人负担

理由

按现行法例告争远年山地须就山地字号亩数鳞册粮券逐一丈勘查对相符以资凭证若仅执有远年旧契
自不得断令管业〔十八年最高法院上字第九八四号判决例〕本件上诉人向被上诉人告争余婆塘濠湖仑
等处山地系以明景泰二年汤有才卖契及景泰四年孔广盛卖契为凭查上诉人提该两契并无山地字号亩

数鳞册可资互证所呈粮券不特户头银数参差互异且无足以办认为该处山地之处又历五百餘年至民国十六年始行注册察其形式匪独纸不似天然陈旧且两契内字迹亦如出一手即形式上证据力亦属薄弱是上诉人对于其起诉原因并不能提出确切之证凭依上开说明已难认系争山地应归上诉人管业况据被上诉人提出王思圣於乾隆六年接买李志言该处山地印契及乾隆四十八年刘孔质等因争该处牧场与王姓及众姓互讼大荆司经地邻和解立有公议字加盖县印又光绪十二年王姓修族谱拟载该山图形因有关牧场经地邻查明书立合约确定该山为众姓牧场并照约泐石立碑於毛公墩城隍庙外迄今已逾四十餘年如该山系上诉人一姓私有何以前此迄无异议尤足见上诉人之主张不足置信虽上诉人谓碑人既李子树坡山一块何以被上诉人冯伯夫又有向刘倬人买受李子树坡地之事又碑文下余坡塘如属众姓即与乾隆四十八年公议字不合依刘姓族谱刘孔质死於乾隆三十九年决无於乾隆四十八年复经李建堂等调解立约情事攻击被上诉人之抗辩主张及其证据为不实此无论据被上诉人辩称李子树坡原系一山两界地名同一故碑文地契各就其一界而言碑文下余婆塘背后冲云者系指下余婆塘之背后冲故以下余婆塘之背后冲故以下余婆塘冠之刘孔质为刘姓涉讼之词首故叙案由连类及之其时已否身故与和解字要素无关等语第查上诉人就其起诉原因不能提出确证既如上说明依照现行法例原不问被上诉人之抗辩是否足以

罗湘冯氏八修族谱【谱序】

罗湘冯氏八修族谱〔谱序〕

证明即应予以驳回至被上诉人原系主张公同共有依民事诉讼法第五十三条第一款之规定一人所为之行为利害及於全体原不限於人到庭鉴定或履勘均属法院调查职权之自由亦不能由败诉人任意指摘其餘牒列上诉各点皆已经一二两审详核尤不得藉为空言之争执原判决废弃第一审判决一部驳回上诉人在第一审之诉及上诉并无不当上诉论旨非有理由

据上论结本件上诉为无理由由依民事诉讼法第四百四十八条第四百一十五条第八十一条及同法施行法第二条适用办法判决如主文

中华民国二十二年

十月

三十一日

湖南高等法院民事第二庭

审判长推事马义述印

推事罗璿阶印

推事李岳印

本件证明与原本无异

书记李曙新印